

Liturg.

866

i

Liturg.

Moll

866ⁱ



HYMNARIUM.

— Blüthen

lateinischer Kirchenpoesie

zur

E r b a u u n g.

Mit Vorwort

von


Dr. Carl Bernh. Moll,

General-Superintendent der Provinz Preussen.


Halle,

Verlag von H. Petersen.

1861.



Vorrede.



Nach den Bemühungen von Joh. Georg Walch (*de hymnis ecclesiae apostolicae*, Jena 1737 und *Miscellanea sacra*, Amst. 1744), Joh. Heinr. von Seelen (*de poesie christiana non a tertio post Christum natum seculo demum, sed a primo et secundo deducenda*, Lub. 1754) und Pet. Zorn (*de hymnorum ecclesiae latinae collectoribus in seinen opusc. sacr.*, Alt. 1743) hat die Arbeit der Sammlung und Aufhellung der lateinischen Liederdichtung der christlichen Kirche zumal der ältesten Zeit lange geruht. Seitdem jedoch Joh. Jac. Rambach im ersten Bande seiner Anthologie christlicher Gesänge, Altona 1817 und C. A. Björn (*hymni veterum patrum christianae ecclesiae collecti*, Hafn. 1818) die Aufmerksamkeit aufs Neue zu diesen Schätzen gewendet, ist die Arbeit in umfassenderem Maasse und mit glücklichstem Erfolge besonders durch Joseph Kehrein (*lateinische Anthologie aus den christlichen Dichtern*, Frankf. 1840), Herm. Adalb. Daniel (The-

saurus hymnologicus, Hal. 1841 sq.) und F. J. Mone (Lateinische Hymnen des Mittelalters aus Handschriften herausgegeben und erklärt, Freiburg im Breisgau 1853 sq.) wieder aufgenommen worden. Es liegt jetzt ein so reicher und interessanter Stoff aus den verschiedenen Jahrhunderten vor, dass der Versuch einer, nicht nach chronologischen, sondern nach den Materien geordneten Auswahl des Besten und Lehrreichsten aus diesem Gebiete zum Gebrauche für Theologen, denen weder die Quellen noch die grösseren Sammelwerke zur Hand sind, wohl gerechtfertigt sein dürfte.

Es gereicht mir zur besonderen Freude, bei meinem durch höhere Berufung in eine andere Amtsstellung innerhalb der vaterländischen Kirche veranlassten Scheiden aus zehnjähriger akademischer Wirksamkeit in Halle einen solchen Versuch auf Wunsch des thätigen Verlegers dem bezeichneten Leserkreise empfehlen zu können.

Halle, am 3. August 1860.

D. Moll.

INDEX.

	Pag.
Ad coeli clara non sum dignus sidera, alphabet. Lied aus dem 7. oder 8. Jahrh. . . .	40
Ad coenam agni providi, 7.—8. Jahrh. . . .	81
Ad perennis vitae fontem — P. Damiani . . .	146
Aeterne rerum conditor — Ambrosius . . .	2
Aeterne rex altissime, 7.—8. Jahrh. . . .	95
Ales diei nuntius — Prudentius	5
Alleluia dulce carmen, 11. Jahrh.	39
Altitudo quid hic jaces — Jesuitenpoesie . . .	22
Angelice patrone — Jesuitenpoesie	111
Anima Christi sanctifica me, 14. Jahrh. . . .	77
Apostolorum passio — Ambrosius	124
Apparebit repentina, 8. Jahrh.	141
Aurea luce et decore roseo — Elpis	125
A solis ortus cardine — Sedulius	14
Audi tellus, audi magni maris limbus, ein Lied des 11. Jahrh.	138
Aurora lucis rutilat, 7.—8. Jahrh.	79
Ave maris stella, 10. Jahrh.	105
Beata nobis gaudia, 7. Jahrh.	96
Christe, qui lux es et dies, 7.—8. Jahrh. . .	10
Collaudemus Magdalenae, 14. Jahrh.	89
Corde natus ex parentis — Prudentius . . .	16
Crux ave benedicta — Jesuitenpoesie	68
Crux benedicta nitet — Fortunatus	59
Crux fidelis, terras coelis — Brevier v. Braga .	67
Cultor Dei memento — Prudentius	8
Cur mundus militat — Jacoponus oder Walther Mapes	136
Deus creator omnium — Ambrosius	7
Dies est laetitiae, 15. Jahrh.	19
Dies irae — Thomas a Celano	144
Dormi fili, dormi! — Jesuitenpoesie	24

	Pag.
Ecquis binas columbinas — Jesuitenpoesie .	57
Ex more docti mystico, 7.—9. Jahrh. . .	47
Gloria in excelsis Deo, Kirche der ersten Jahrhunderte	151
Gloria laus et honor — Theodulph v. Orleans	71
Gloriosi salvatoris — Brevier v. Meissen .	35
Gravi me terrore — P. Damiani	134
Heri mundus exultavit — Adam v. St. Victor	25
Hostis Herodis impie — Sedulius	37
In triumphum mors mutatur — Neue französ. Kirchenpoesie, Messbuch von le Puy 1783	130
Iam moesta quiesce querela — Prudentius .	133
Iesu, dulce medicamen, 14. Jahrh. . . .	54
Iesu dulcis memoria — Bernh. v. Clairvaux (?)	33
Iocundare plebs fidelis — Adam v. S. Victor	119
Laetabundus exultet — Bernhard v. Clairvaux	17
Lauda Sion salvatorem — Thomas v. Aquino	74
Laudes crucis attolamus — Adam v. S. Victor	69
Lucis largitor splendide — Hilarius . . .	1
Maiestati sacrosanctae — Branders Sequentien- sammlung 1507	38
Media vita in morte sumus, 9. Jahrh. . .	132
Mitis agnus, leo fortis, 11. Jahrh. . . .	83
Mittit ad virginem — Abaelard	12
Mundi renovatio — Adam v. S. Victor . .	84
Nato nobis salvatore (aus Selnecker Kirchen- gesänge 1587)	18
Numquam serenior — Jesuitenpoesie . . .	108
O beata beatorum, 14. Jahrh.	128
O esca viatorum — Jesuitenpoesie	78
O felicem genitricem — Messbuch von Prag	106

	Pag.
O lux beata trinitas — Ambrosius(?) . . .	10
O Roma nobilis, 8. Jahrh.	126
O sanctissima — Sicilianisches Schifferlied, 2. u. 3. Strophe unächt	107
O sola magnarum urbium — Prudentius. .	36
Pange lingua gloriosi proetium — Fortunatus(?)	50
Pange lingua gloriosi corporis — Thomas v. Aquino	74
Parendum est — Jesuitenpoesie	139
Parvum quando cerno Deum — Jesuitenpoesie	23
Patris sapientia, 14. Jahrh.	56
Paulus Sion architectus, 13.—14. Jahrh. .	127
Plaudite coeli — Jesuitenpoesie	92
Plausu chorus laetabundo — Adam v. S. Victor	122
Pone luctum Magdalena! — Jesuitenpoesie .	94
Praecursoris et baptistae — H. Pistor (Schule Adam's v. S. Victor)	116
Primo dierum omnium — Gregorius	6
Profitentes Unitatem — Adam v. S. Victor .	101
Puer natus in Bethlehem, 15. Jahrh. . . .	21
Quem pastores laudavere, 15. Jahrh. . . .	20
Quem terra, pontus, aethera, 7.—8. Jahrh.	104
Quid Tyranne! quid minaris — Jesuitenpoesie	46
Qui procedis ab utroque — Adam v. S. Victor	99
Recordare sanctae crucis — Bonaventura .	63
Rex Christe factor omnium — Gregorius .	49
Salve caput cruentatum — Bernhard v. Clair- vaux (?)	52
Salve festa dies — Fortunatus	79
Salvete flores martyrum — Prudentius . .	32
Sancti venite, 8. Jahrh.	72
Splendor paternae gloriae — Ambrosius (?) .	3

VIII

	Pag.
Stabat mater dolorosa — Jacoponus (?) . . .	69
Surrexit Christus hodie, 15. Jahrh. . . .	91
Tandem audite me — Jesuitenpoesie . . .	110
Te Deum laudamus — Ambrosius (?) . . .	149
Urbs beata Hirusalem	131
Ut axe sunt serena — Jesuitenpoesie . . .	110
Ut iucundas cervus undas — Hommey Supplem. Patrum, 1686	43
Ut queant laxis resonare fibris — Paulus Dia- conus	114
Veni creator spiritus, 8. Jahrh.	97
Veni redemptor gentium — Ambrosius . . .	11
Veni sancte spiritus, 11. Jahrh.	98
Verbum Dei, Deo natum, 13. Jahrh. . . .	29
Vexilla regis prodeunt — Fortunatus . . .	51
Victimae paschali, 11. Jahrh.	82
Zyma vetus expurgetur — Adam v. S. Victor	85

E R R A T A.

Pag.	7	Z. 2: pedis lies petis.
„	35	Z. 4 v. o.: Te l. Tu.
„	42	Z. 4 v. o.: l. flumina.
„	42	Z. 7: meum l. mecum.
„	43	Z. 17: gloriae l. gloria.
„	44	Z. 4 v. u.: avectas l. affectas.
„	58	Z. 7 v. o.: recondo l. reconde.
„	63	Z. 11: astistentes l. assistentes.
„	65	Z. 7: eruuntur l. fruuntur.
„	72	Z. 18: Deo l. Dei.
„	79	Z. 7: tartaro l. tartara.
„	84	Z. 14: Nona l. Nova.
„	113	Z. 6 v. u.: caharitate l. caritate.

HYMNI MATUTINI.

1.

Lucis largitor splendide,
Cuius sereno lumine
Post lapsa noctis tempora
Dies refusus panditur.

Tu verus mundi Lucifer,
Non is, qui parvi sideris,
Venturae lucis nuntius
Angusto fulget lumine.

Sed toto sole clarior,
Lux ipse totus et dies,
Interna nostri pectoris
Illuminans praecordia.

Adesto rerum conditor,
Paternae lucis gloria,
Cuius amota gratia
Pavescent nostra corpora.

Tuoque plena spiritu,
Secum Deum gestantia,
Ne rapientis perfidi
Diris pateant fraudibus.

Ut inter actus saeculi,
Vitae quos usus exigit,
Omni carentes crimine
Tuis vivamus legibus.

Probroas mentis castitas
Carnis vincat libidines,
Sanctumque puri corporis
Delubrum servet spiritus.

Haec spes precantis animae,
Haec sunt votiva munera,
Ut matutina nobis sit
Lux in noctis custodiam.

2.

Aeterne rerum conditor
Noctem diemque qui regis
Et temporum dans tempora
Ut alleves fastidium.

Praeco diei iam sonat
Noctis profundae pervigil,
Nocturna lux viantribus
A nocte noctem segregans.

Hoc excitatus Lucifer
Solvit polum caligine,
Hoc omnis errorum chorus
Viam nocendi deserit.

Hoc nauta vires colligit
Pontique mitescunt freta,
Hoc ipsa petra ecclesiae
Canente culpam diluit.

Surgamus ergo strenue,
Gallus iacentes excitat,
Et somnolentos increpat,
Gallus negantes arguit.

Gallo canente spes redit,
Aegris salus refunditur,
Mucro latronis conditur,
Lapsis fides revertitur.

Iesu, labantes respice,
Et nos videndo corrige;
Si respicis lapsi stabunt
Fletuque culpa solvitur.

Tu lux refulge sensibus
Mentisque somnum discute,
Te nostra vox primum sonet.
Et ore psallamus tibi.

3.

Splendor paternae gloriae,
De luce lucem proferens,
Lux lucis et fons luminis
Dies dierum illuminans.

Verusque sol illabere,
Micans nitore perpeti:
Iubarque sancti spiritus
Infunde nostris sensibus.

Votis vocemus et patrem,
Patrem perrennis gloriae,
Patrem potentis gratiae:
Culpam releget lubricam.

Informet actus strenuos,
Dentem retundat invidi
Causas secundet asperos,
Donet gerendi gratiam.

Mentem gubernet et regat
Casto, fideli corpore,
Fides calore ferveat,
Fraudis venena nesciat.

Christusque nobis sit cibus,
Potusque noster sit fides:
Laeti bibamus sobriam
Ebrietatem spiritus.

Laetus dies hic transeat,
Pudor sit, ut diluculum,
Fides velut meridies,
Crepusculum mens nesciat.

Aurora cursus provehit,
Aurora totus prodeat,
In patre totus filius
Et totus in verbo pater.

4.

Ales diei nuntius
Lucem propinquam praccinit,
Nos excitator mentium
Iam Christus ad vitam vocat.

Auferte, clamat, lectulos
Ægros, soporos, desides:
Casteque recte ac sobrie
Vigilate, iam sum proximus.

Iesum ciamus vocibus
Flentes, precantes sobrie:
Intenta supplicatio
Dormire cor mundum vetat.

Tu Christe somnum disiice,
Tu rumpe noctis vincula:
Tu solve peccatum vetus:
Novumque lumeningere.

DIE DOMINICA.

Primo dierum omnium
Quo mundus exstat conditus,
Vel quo resurgens conditor
Nos morte victa liberat.

Pulsis procul torporibus
Surgamus omnes ocyus,
Et nocte quaeramus pium.
Sicut prophetam novimus.

Nostras preces ut audiat
Suamque dextram porrigat,
Et expiatis sordibus
Reddat polorum sedibus.

Ut quique sacratissimo
Huius diei tempore
Horis quietis psallimus,
Donis beatis muneret.

Iam nunc paterna claritas,
Te postulamus affatim:
Absit libido sordidans,
Omnisque actus noxius.

Ne foeda sit vel lubrica
Compago nostri corporis,
Per quam averni ignibus
Ipsi crememur acrius.

Ob hoc redemptor quaesumus,
Ut probra nostra diluas,
Vitae perennis commoda
Nobis benigne conferas.

Quo carnis actu exules
Effecti ipsi coelibes
Ut praestolamur cernui
Melos canamus gloriae.

HYMNI AD VESPERAS.

6.

Deus creator omnium
Polique rector, vestiens
Diem decoro lumine,
Noctem soporis gratia.

Artus solutos ut quies
Reddat laboris usui,
Mentesque fessas allevet
Luctusque solvat anxios.

Grates peracto iam die.
Et noctis exortu preces,
Votis reos ut adiuves,
Hymnum canentes solvimus.

Te cordis ima concinant,
Te vox canora concrepet,
Te diligat castus amor,
Te mens adoret sobria.

Ut cum profunda clauscrit
Diem caligo noctium,
Fides tenebras nesciat
Et nox fide reluceat.

Dormire mentem ne sinas,
Dormire culpa noverit,
Castos fides refrigerans
Somni vaporem temperet.

Exuta sensu lubrico
Te cordis alta somnient,
Nec hostis invidi dolo
Pavor quietos suscitet.

Christum rogemus et patrem
Christi patrisque spiritum,
Unum potens per omnia
Fove precantes Trinitas.

7.

Cultor Dei memento,
Te fontis et lavacri
Rorem subisse sanctum,
Te chrismate innovatum.

Fac, cum vocante somno
Castum pedis cubile,
Frontem locumque cordis
Crucis figura signet.

Crux pellit omne crimen,
Fugiunt crucem tenebrae,
Tali dicata signo
Mens fluctuare nescit.

Procul o procul vagantum
Portenta somniorum,
Procul esto pervicaci
Praestigiator astu.

O tortuose serpens,
Qui mille per maeandros
Fraudesque flexuosas
Agitas quieta corda:

Discede, Christus hic est,
Hic Christus est, liquesce:
Signum, quod ipse nosti,
Damnatur tuam catervam.

Corpus licet fatiscens
Iaceat recline paulum,
Christum tamen sub ipso
Meditabimur sopore.

8.

O lux beata trinitas
Et principalis unitas,
Iam sol recedit igneus:
Infunde lumen cordibus.

Te mane laudum carmine
Te deprecemur vesperi,
Te nostra supplex gloria
Per cuncta laudet saecula.

9.

Christe, qui lux es et dies,
Noctis tenebras detegis,
Lucisque lumen crederis
Lumen beatum praedicans.

Precamur sancte domine
Defende nos in hac nocte,
Sit nobis in te requies,
Quietam noctem tribue.

Ne gravis somnus irruat,
Nec hostis nos surripiat,
Nec caro illi consentiens,
Nos tibi reos statuatur.

Oculi somnum capiant
Cor ad te semper vigilat,

Dextera tua protegat
Famulos qui te diligunt.

Defensor noster adspice,
Insidiantes reprime,
Guberna tuos famulos
Quos sanguine mercatus es.

Memento nostri domine
In gravi isto corpore,
Qui es defensor animae
Adesto nobis domine.

HYMNI IN ADVENTU.

10.

Veni redemptor gentium,
Ostende partum virginis,
Miretur omne saeculum:
Talis decet partus Deum.

Non ex virili semine,
Sed mystico spiramine
Verbum Dei factum est caro,
Fructusque ventris floruit.

Alvus tumescit virginis,
Claustrum pudoris permanet,
Vexilla virtutum micant,
Versatur in templo Deus.

Procedens de thalamo suo,
Pudoris aula regia,
Geminae gigas substantiae
Alacris ut currat viam.

Egressus eius a patre,
Regressus eius ad patrem,
Excursus usque ad inferos,
Rekursus ad sedem Dei.

Aequalis aeterno patri
Carnis tropaeo accingere,
Infirma nostri corporis
Virtute firmans perpetim.

Praesepe iam fulget tuum
Lumenque nox spirat novum,
Quod nulla nox interpolet
Fideque iugi luceat.

11.

Mittit ad virginem
Non quemvis angelum,
Sed fortitudinem
Suam, archangelum,
Amator hominis.

Fortem expediat
Pro nobis nuntium,

Naturae faciat
• Ut praeiudicium
In partu virginis.

Naturam superat
Natus rex gloriae,
Regnat et imperat
Et zyma scoriae
Tollit de medio.

Superbientium
Terat fastigia,
Colla sublimium
Calcet vi propria
Potens in proelio.

Foras eiiciat
Mundanum principem,
Matremque faciat
Secum participem
Patris imperii.

Exi qui mitteris,
Haec dona dissere,
Revela veteris
Velamen literae
Virtute nuntii.

Accede, nuncia,
Dic Ave cominus,
Dic plena gratia,
Dic tecum dominus
Et dic Ne timeas.

Virgo suscipias
 Dei depositum,
 In quo perficias
 Castum propositum
 Et votum teneas.

Audit et suscipit
 Puella nuntium
 Credit et concipit
 Et parit filium
 Sed admirabilem.

Consiliarium
 Humani generis
 Et deum fortium
 Et patrem posteris,
 In fide stabilem.

HYMNI IN FESTO NATIVITATIS DOMINI.

12.

A solis ortus cardine
 Ad usque terrae limitem
 Christum canamus principem,
 Natum Maria virgine.

Beatus auctor saeculi
 Servile corpus induit,
 Ut carne carnem liberans
 Ne perderet quos condidit.

Clausae parentis viscera
Coelestis intrat gratia,
Venter puellae baiulat
Secreta quae non noverat.

Domus pudici pectoris
Templum repente fit Dei;
Intacta, nesciens virum
Verbo concepit filium.

Enixa est puerpera
Quem Gabriel praedixerat,
Quem matris alvo gestiens
Clausus Ioannes senserat.

Foeni iacere pertulit,
Praesepe non abhorruit,
Parvoque lacte pastus est
Per quem nec ales esurit.

Gaudet chorus coelestium
Et angeli canunt Deo
Palamque fit pastoribus
Pastor creator omnium.

13.

Corde natus ex parentis ante mundi exordium,
Alpha et Ω cognominatus, ipse fons et
clausula,
Omnium quae sunt, fuerunt, quæque post
futura sunt

Saeculorum saeculis.

O beatus ortus ille, virgo cum puerpera
Edidit nostram salutem foeta sancto spiritu,
Et puer redemptor orbis os sacratum protulit
Saeculorum saeculis.

Psallat altitudo coeli, psallant omnes angeli,
Quidquid est virtutis usquam psallat in lau-
dem Dei,
Nulla linguarum silescat, voce et omnis
consonet

Saeculorum saeculis.

Ecce, quem vates vetustis concinebant saeculis,
Quem prophetarum fideles paginae spon-
derant

Emicat promissus olim, cuncta collaudent eum
Saeculorum saeculis.

Te senes et te iuventus, parvulorum te chorus,
Turba matrum virginumque, simplices puel-
lulae

Voce concordēs pudicis perstrepat concen-
tibus

Saeculorum saeculis.

Lactabundus exultet fidelis chorus:

Alleluia.

Regem regum intactae profundit torus:

Res miranda.

Angelus consilii natus est de virgine,

Sol de stella.

Sol occasum nesciens, stella semper rutilans

Semper clara.

Sicut sidus radium profert virgo filium

Pari forma.

Neque sidus radio neque mater filio

Fit corrupta.

Cedrus alta Libani conformatur hyssopo

Valle nostra.

Verbum ens altissimi corporari passum est

Carne sumpta.

Isaias cecinit, synagoga meminit, nunquam

tamen desinit

Esse caeca.

Si non suis vatibus credat vel gentilibus, Sy-

billinis versibus

Haec praedicta.

Infelix propera, crede vel vetera, cur damna-

beris gens misera.

Natum considera, quem docet littera: ipsum

genuit puerpera.

Nato nobis salvatore
Celebremus cum honore
Diem natalitium.
Nobis datus, nobis natus
Et nobiscum conversatus
Lux et salus gentium.

Eva prius interemit,
Sed Servator nos redemit
Carnis suae merito:
Prima parens nobis luctum,
Sed Maria vitae fructum
Protulit cum gaudio.

Negligentes non neglexit,
Sed ex alto nos prospexit
Pater mittens filium.
Praesens mundo, sed absconsus,
De secreto tamquam sponsus
Prodiit in publicum.

Gigas velox, gigas fortis,
Gigas, nostrae victor mortis,
Accinctus potentia,
Ad currendam venit viam,
Complens in se prophetiam
Et legis mysteria.

Iesu, nostra salutaris
Medicina singularis
Nostra pax et gloria:

Quia servis redimendis
Tam decenter condescendis,
Te collaudant omnia.

16.

Dies est laetitiae
In ortu regali,
Nam processit hodie
De ventre virginali
Puer admirabilis,
Totus delectabilis
In humanitate,
Qui inaestimabilis
Est et ineffabilis
In divinitate.

Orto Dei filio
Virgine de pura
Ut rosa de lilio
Stupescit natura,
Quem parit iuvenula
Natum ante saecula
Creatorem rerum
Quod uber munditiae
Dat lac pudicitiae
Antiquo dierum.

Ut vitrum non laeditur
Sole penetrante,

Sic illaesa creditur
Post partum et ante
Felix haec puerpera
Cuius casta viscera
Deum genuerunt,
Et beata ubera
In aetate tenera
Christum lactaverunt.

Angelus pastoribus
Iuxta suum gregem
Nocte vigilantibus
Natum coeli regem
Nunciat cum gaudio
Iacentem in praesepio
Infantem pannosum,
Angelorum dominum
Et prae natis hominum
Forma speciosum.

17.

Quem pastores laudavere,
Quibus angeli dixere
Absit vobis iam timere,
Natus est rex gloriae:
Ad quem reges ambulabant,
Aurum, thus, myrrham portabant,
Immolabant haec sincere
Leoni victoriae.

Exultemus cum Maria
 In coelesti hierarchia,
 Natum promat voce pia
 Laus honor et gloria
 Christo regi, Deo nato
 Per Mariam nobis dato
 Merito resonat vere
 Dulci cum melodia.

18.

Puer natus in Bethlehem
 Unde gaudet Ierusalem.
 Hic iacet in praesepio
 Qui regnat sine termino.
 Cognovit bos et asinus
 Quod puer erat dominus.
 Reges de Saba veniunt,
 Aurum, thus, myrrham offerunt.
 De matre natus virgine
 Sine virili semine.
 Sine serpentis vulnere
 De nostro venit sanguine.
 In carne nobis similis
 Peccato sed dissimilis.
 Ut redderet nos homines
 Deo et sibi similes.

In hoc natali gaudio
Benedicamus domino.

Laudetur sancta Trinitas,
Deo dicamus gratius.

19.

Altitudo quid hic iaces,
In tam vili stabulo?
Qui creasti coeli faces,
Alges in praesepio?
O quam mira perpetrasti,
Iesu propter hominem!
Tam ardentem quem amasti
Paradiso exulem.

Fortitudo infirmatur,
Parva fit immensitas;
Liberator alligatur,
Nascitur aeternitas.
O quam mira perpetrasti etc.

Premis ubera labellis,
Sed intactae Virginis;
Ploras uvidis ocellis,
Coelum replens gaudiis.
O quam mira perpetrasti etc.

Parvum quando cerno Deum
Matris inter brachia,
Colliquescit pectus meum
Inter mille gaudia.

Gestit puer, gestit videns
Tua mater viscera,
Puer ille dum subridens
Mille figit oscula.

Puro qualis in lucenti
Sol renidet aethere;
Talis puer in lactenti
Matris haeret ubere.

Talis mater speciosa
Pulcra est cum filio,
Qualis est cum molli rosa,
Viola cum lilio.

Inter sese tot amores,
Tot alternant spicula,
Quot in pratis fulgent flores,
Quot in coelo sidera.

O! ut una ex sagittis
Dulcis o puerule!
Quas in matris pectus mittis,
Cadat in me, Iesule!

CANTICUM BENEDICTAE MATRIS AD FILIUM
IN PRAESEPE IACENTEM.

Dormi fili, dormi! mater
Cantat unigenito;
Dormi, puer, dormi! pater,
Nato clamat parvulo.
Millies tibi laudes canimus,
Mille mille millies.

Lectum stravi tibi soli,
Dormi, nate bellule:
Stravi lectum foeno molli:
Dormi, mi animule!
Millies etc.

Dormi, decus et corona,
Dormi, nectar lacteum;
Dormi, mater dabo dona,
Dabo favum melleum.
Millies etc.

Dormi, nate mi mellite,
Dormi, plene saccharo;
Dormi, vita meae vitae,
Casto natus utero.
Millies etc.

Quidquid optes, volo dare:
Dormi, parve pupule!
Dormi fili, dormi carae
Matris deliciolae.
Millies etc.

Dormi, cor et meus thronus,
 Dormi, matris iubilum:
 Aurium coelestis sonus
 Et suave sibilum.
 Millies etc.

Dormi, fili; dulce mater,
 Dulce melos concinam:
 Dormi, nate; suave pater,
 Suave carmen accinam.
 Millies etc.

Nequid desit, sternam rosis,
 Sternam foenum violis:
 Pavimentum hyacinthis
 Et praesepe liliis.
 Millies etc.

Si vis musicam, pastores
 Convocabo protinus:
 Illis nulli sunt priores,
 Nemo canit castius.
 Millies etc.

DE S. STEPHANO.

Heri mundus exultavit
 Et exultans celebravit
 Christi natalitia:

Heri chorus angelorum
Prosecutus est coelorum
Regem cum laetitia.

Protomartyr et Levita
Clarus fide, clarus vita,
Clarus et miraculis
Sub hac luce triumphavit
Et triumphans insultavit
Stephanus incredulis.

Fremunt ergo tanquam ferae
Quia victi defecere
Lucis adversarii:
Falsos testes statuunt
Et linguas exacuunt
Viperarum filii.

Agonista, nulli cede,
Certa certus de mercede
Persevera Stephane:
Insta falsis testibus,
Confuta sermonibus
Synagogam Satanae.

Testis tuus est in coelis,
Testis verax et fidelis
Testis innocentiae.
Nomen habes coronati,
Te tormenta decet pati
Pro corona gloriae.

Pro corona non marcenti
Perfer brevis vim tormenti
Te manet victoria.
Tibi fiet mors natalis,
Tibi poena terminalis
Dat vitae primordia.

Plenus sancto spiritu
Penetrat intuitu
Stephanus coelestia.
Videns Dei gloriam
Crescit ad victoriam
Suspirat ad praemia.

En a dextris Dei stantem
Iesum, pro te dimicantem
Stephane considera:
Tibi coelos reserari
Tibi Christum revelari,
Clama voce libera.

Se commendat salvatori
Pro quo dulce ducit mori
Sub ipsis lapidibus:
Saulus servat omnium
Vestes lapidantium,
Lapidans in omnibus.

Ne peccatum statuatur
Iis, a quibus lapidatur
Genu ponit et precatur

Condolens insaniae
In Christo sic obdormivit
Qui Christo sic obēdivit
Et cum Christo semper vivit
Martyrum primitiae.

Quod sex suscitaverit
Mortuos in Africa,
Augustinus asserit,
Fama refert publica.

Huius Dei gratia
Revelato corpore,
Mundo datur pluvia
Siccitatis tempore.

Solo fugat hic odore
Morbus et daemonia,
Laude dignus et honore
Iugique memoria.

Martyr cuius est iucundum
Nomen in ecclesia:
Languescentem fove mundum
Coclesti fragrantia.

DE S. IOANNE EVANGELISTA.

Verbum Dei, Deo natum
Quod nec factum nec creatum
Venit de coelestibus :
Hoc vidit, hoc attrectavit,
Hoc de coelo reseravit
Ioannes hominibus.

Inter illos primitivos
Veros veri fontis rivos
Ioannes exiliit,
Toti mundo propinare
Nectar illud salutare
Quod de throno prodiit.

Coelum transit, veri rotam
Solis ibi vidit, totam
Mentis figens aciem :
Speculator spiritalis
Quasi Seraphim sub alis
Dei videt faciem.

Audiit in gyro sedis
Quid psallant cum citharoedis
Quater seni procures :
De sigillo trinitatis
Nostrae nummo civitatis
Impressit characteres.

Iste custos virginis
Arcanum originis
Divinae mysterium
Scribens evangelium
Mundo demonstravit:
Colli cui sacrarium
Suum Christus lilium,
Filio tonitru
Sub amoris mutui
Pace commendavit.

Haurit virus hic letale
Ubi corpus virginale
Virtus servat fidei:
Poena stupet quod in poena
Sit Ioannes sine poena
Bullientis olei.

Hic naturis imperat
Ut et saxa transferat
In decus gemmarum:
Quo iubente riguit,
Auri fulvum induit
Virgula silvarum.

Hic infernum reserat,
Morti iubet, revocat
Quos venenum stravit:
Obstruit quod Ebion,
Cerinthus et Marcion
Perfide latravit.

~~~~~  
Volat avis sine meta  
Quo nec vates, nec propheta  
Evolavit altius:  
Tam implenda, quam impleta  
Nunquam vidit tot secreta  
Purus homo purius.

Sponsus rubra veste tectus  
Visus sed non intellectus  
Redit ad palatium:  
Aquilam Ezechielis  
Sponsae misit quae de coelis  
Referret mysterium.

Dic dilecte de dilecto  
Qualis sit et ex dilecto  
Sponsus sponsae nuncia:  
Dic quis cibus angelorum,  
Quae sint festa superiorum  
De sponsi praesentia.

Veri panem intellectus,  
Coenam Christi supra pectus  
Christi sumptam resera:  
Ut cantemus de patrono  
Coram agno coram throno  
Laudes super aethera.

---

## DE INNOCENTIBUS.

Salvete flores martyrum,  
Quos lucis ipso in limine  
Christi insecutor sustulit  
Ceu turbo nascentes rosas.

Vos prima Christi victima,  
Grex immolatorum tener  
Aram ante ipsam simplices  
Palma et coronis luditis.

Audit tyrannus anxius  
Adesse regem principem,  
Qui nomen Israel regat,  
Teneatque David regiam.

Exclamat amens nuncio:  
Successor instat, pellimur;  
Satelles, i, ferrum rape,  
Perfunde cunas sanguine.

Mas omnis infans occidat,  
Scrutare nutricum sinus,  
Fraus ne qua furtim subtrahat  
Prolem virilis indolis.

Transfigit ergo carnifex,  
Mucrone districto furens,  
Effusa nuper corpora  
Animasque rimatur novas.

O barbarum spectaculum:  
 Vix interemptor invenit  
 Locum minutis artubus  
 Quo plaga descendat patens.  
 Quo proficit tantum nefas:  
 Quid crimen Herodem iuvat:  
 Unus tot inter funera  
 Impune Christus tollitur.

---

### IN FESTO S. NOMINIS IESU.

25.

Iesu dulcis memoria,  
 Dans vera cordi gaudia,  
 Sed super mel et omnia  
 Eius dulcis praesentia.

Nil canitur suavius,  
 Nil auditur iucundius,  
 Nil cogitatur dulcius  
 Quam Iesus Dei Filius.

Iesu, spes poenitentibus,  
 Quam pius es petentibus,  
 Quam bonus te quaerentibus,  
 Sed quid invenientibus?

Iesu, dulcedo cordium,  
 Fons vivus, lumen mentium,  
 Excedens omne gaudium  
 Et omne desiderium.



Nec lingua valet dicere,  
Nec littera exprimere,  
Expertus potest credere  
Quid sit Iesum diligere.

Quando cor nostrum visitas  
Tunc lucet ei veritas,  
Mundi vilescit vanitas,  
Et intus fervet caritas.

Qui te gustant esuriunt;  
Qui bibunt adhuc sitiunt;  
Desiderare nesciunt  
Nisi Iesum quem diligunt.

Quem tuus amor ebriat,  
Novit quid Iesus sapiat;  
Quam felix est quem satiat!  
Non est ultra quod cupiat.

Iesu, decus angelicum,  
In aure dulce canticum,  
In ore mel mirificum  
In corde nectar coelicum.

Desidero te millies, .  
Mi Iesu, quando venies?  
Me laetum quando facies?  
Me de te quando saties?

O Iesu, mi dulcissime,  
Spes suspirantis animae,

Te quaerunt piae lacrimae,  
Te clamor mentis intimae.

Tu fons misericordiae,  
Te verae lumen patriae:  
Pelle nubem tristitiae,  
Dans nobis lucem gloriae.

Te coeli chorus praedicat,  
Et tuas laudes replicat:  
Iesus orbem laetificat,  
Et nos Deo pacificat.

Iesus ad Patrem rediit,  
Coeleste regnum subiit:  
Cor meum a me transiit,  
Post Iesum simul abiit:

Quem prosequamur laudibus,  
Votis, hymnis, et precibus;  
Ut nos donet coelestibus  
Secum perfrui sedibus.

## 26.

Gloriosi salvatoris nominis praeconia  
Quae in corde genitoris latent ante saecula,  
Mater coeli plena roris pandit nunc ecclesia.

Nomen dulce, nomen gratum, nomen ineffabile,

Dulcis Iesus appellatum, nomen delectabile  
Laxat poenas et reatum, nomen est amabile.

Hoc est nomen adorandum, nomen summae  
gloriae,

Nomen semper meditandum in valle miseriae :  
Nomen digne venerandum supernorum curiae.

Nomen istud praedicatum melos est auditui,  
Nomen istud invocatum dulce mel est gustui,  
Iubilus est cogitatum spiritali visui.

Hoc est nomen exaltatum iure super omnia,  
Nomen mire formidatum, effugans daemonia :  
Ad salutem nobis datum divina clementia.

Nomen ergo tam beatum veneremur cernui,  
Sit in corde sic firmatum quod non possit  
erui,  
Ut in coelis potestatum copulemur coetui.

### IN FESTO EPIPHANIAE.

27.

O sola magnarum urbium  
Maior Bethlem, cui contigit  
Ducem salutis coelitus  
Incorporatum gignere.

Haec stella, quae solis rotam  
Vincit decore ac lumine,  
Venisse terris nunciat  
Cum carne terrestri Deum.

Videre postquam illam magi  
Eoa promunt munera,  
Stratique votis offerunt  
Thus, myrrham et aurum regium.

Regem Deumque annuntiant  
Thesaurus et fragrans odor,  
Thuris Sabaei ac myrrheus  
Pulvis sepulcrum praedocet.

## 28.

Hostis Herodis impie,  
Christum venire quid times:  
Non eripit mortalia  
Qui regna dat coelestia.

Ibant magi quam viderant  
Stellam sequentes praeviam:  
Lumen requirunt lumine,  
Deum fatentur munere.

Lavacra puri gurgitis  
Coelestis agnus attigit:  
Peccata quae non detulit  
Nos abluendo sustulit.

Novum genus potentiae:  
Aquae rubescunt hydriae,  
Vinumque iussa fundere  
Mutavit unda originem.

Maiestati sacrosanctae  
Militans cum trimphante  
Iubilet Ecclesia:  
Sic versetur laus in ore,  
Nec gravetur cor torpore,  
Quod degustat gaudia.

Novum parit virga florem,  
Novum monstrat stella solem;  
Currunt ad praesepia  
Reges magi, qui non vagi,  
Sed praesagi, gaudent agi  
Stella duce praevia.

Trium regum trinum munus;  
Christus, Homo-Deus, unus  
Cum carne et anima;  
Deus trinus in personis  
Adoratur tribus donis,  
Unus in essentia.

Myrrham ferunt, thus, et aurum,  
Plus pensantes, quam thesaurum,  
Typum, sub quo veritas;  
Trina dona, tres figurae:  
Rex in auro, Deus in thure,  
In myrrha mortalitas.

Thuris odor Deitatem,  
Auri splendor dignitatem  
Regalis potentiae:

Myrrha caro Verbo nupta,  
Per quod manet incorrupta  
Caro carens carie.

Tu nos, Christe, ab hac valle  
Duc ad vitam recto calle  
Per regum vestigia.  
Ubi Patris, ubi Tui,  
Et Amoris Sacri, frui  
Mercamur gloria.

---

### SABBATO ANTE DOMINICAM SEPTUAGESIMAM.

30.

Alleluia, dulce carmen, vox perennis gaudii,  
Alleluia laus suavis est choris coelestibus,  
Quam canunt Dei manentes in domo per  
saecula.

Alleluia laeta mater cecinit Hirusalem,  
Alleluia vox tuorum civium gaudentium,  
Exules nos flere cogunt Babylonis flumina.

Alleluia non meremur nunc perenne psallere  
Alleluia nos reatus cogit intermittere;  
Tempus instat, quo peracta lugeamus crimina.

Inde laudando precamur te beata Trinitas,  
Ut tuum nobis videre pascha des in aethere,  
Quo tibi laeti canamus alleluia perpetim.

---

## DE POENITENTIA ET SANCTIFICATIONE.

31.

## HYMNUS ALPHABETICUS.

Ad coeli clara non sum dignus sidera  
Levare meos infelices oculos,  
Gravi depressus peccatorum pondere.  
Parce redemptor!

Bonum neglexi facere, quod debui,  
Probrosa gessi sine fine crimina,  
Scelus patravi nullo clausum termino.  
Subveni Christe!

Cunctae quae salso maris sunt in littore  
Arenae mixtis purpuratis conchulis,  
Non meis possunt coaequari vitiis,  
Fateor malis.

Doleo multis peccatorum iaculis  
Confossus, arcu quae Venus libidinis  
Intorsit, lita spicula mortiferi  
Fellis ab unda.

Effudit daemon de pharetra flammeas  
Sagittas, meum super vulnus vulnere  
Infixit statim cupido turpissima  
Fronte rugosa.

Factus sum vilis; cuncta super ilia  
Venit latenter gladium superbiae,  
Cordis infixit mucronem sub medio  
Manu cruenta.

Genus serpentis affuit invidia,  
Veneni portans pocula pestiferi,  
Dedit in sitim; mortis auctor extitit  
Sordida lues.

Horrida vultu faculam discordia,  
Igne succensam deferens sulphureo,  
Medio meo posuit sub pectore,  
Coxit amare.

Inter has quoque pennas gerens plumbeas  
Inanis cursim transvolavit gloria,  
Quae me ventosa nitebatur subito  
Fraude perire.

Kanendo venit fistula ingluvies,  
Bona praesentis inrogabat temporis,  
Extendit ventrem, temulentum reddidit,  
Miscuit risus.

Lugere modo me permitte, domine,  
Mala, quae gessi, reus ab infantia,  
Lacrimas mihi tua dona gratia  
Cordis ab imo.

Meis, ut puto, vitiis tartarea  
Tormenta multis non valent sufficere,  
Nisi succurrat, Christe, tua pietas  
Misero mihi.

Nullum peccatum super terrae faciem  
Potest aut scelus inveniri quodpiam,



A quorum non sim inquinatus faecibus  
Infelix ego.

Ortus, occasus, aquilo, septentrio,  
Coelum terraque, mare, fontes, flumina,  
Montes et colles, campi, mixta rosulis  
Lilia flete.

Plangite meum astra rutilantia,  
Mecum mugite bestiae silvicolae,  
Dicite, tu es miser, qui sub impio  
Crimine gemis.

Quis me de manu Cocyti flammivomi  
Erui potest nisi patris unica  
Proles, qui mundum pretioso sanguine  
Iure redemit?

Redemptor mundi, unica spes omnium,  
Aequalis patri sanctoque spiritui,  
Trinus et unus deus invisibilis,  
Mihi succurre!

Si me subtili pensas sub libramine.  
Spes in me nulla remanet fiduciae,  
Sed rogo, tua me salvet potentia,  
Filius dei.

Tolle peccatum, dilue facinora,  
Ablue sordes donaque charismata,  
Instaura meum clementer pectusculum  
Munere tuo.

Veniam peto non meis demeritis  
Fisus, sed tua certus de clementia,  
Qui bona reis pietate solita  
Gratis impendis.

Xriste, te semper recta fide labiis  
Confessus, corde credidi orthodoxo,  
Haereticorum dogma nefas respui  
Pectore puro.

Ymnum fideli modulando gutture  
Arrium sperno, latrantem Sabellium,  
Assensi nunquam grunnienti Simoni  
Fauce susurra.

Zelo pro Christi sum zelatus nomine,  
Nam sancta mater lacte me catholico  
Tempus per omne nutritiv ecclesia  
Ubere sacro.

Gloriae sanctae trinitati unicae  
Sit deo patri, genito, paraclito;  
Laus mea sonet omnia per saecula  
Domino semper.

Ut iucundas cervus undas  
Aestuans desiderat,  
Sic ad rivum Dei vivum  
Mens fidelis properat.

Sicut rivi fontis vivi  
Praebent refrigerium,  
Ita menti sitiēti  
Deus est remedium.

Quantis bonis superponis  
Sanctos tuos, Domine:  
Sese laedit, qui recedit  
Ab aeterno lumine.

Vitam laetam et quietam,  
Qui te quaerit, reperit;  
Nam laborem et dolorem  
Metit, qui te deserit.

Pacem donas, et coronas,  
His qui tibi militant;  
Cuncta laeta sine meta  
His qui tecum habitant.

Heu quam vana mens humana  
Visione falleris!  
Dum te curis nocituris  
Imprudenter inseris.

Cur non caves lapsus graves,  
Quos suadet proditor,  
Nec avectas vias rectas,  
Quas ostendit Conditor?

Resipisce, atque disce  
Cuius sis originis;

Ubi degis, cuius legis,  
Cuius sis et ordinis.

Ne te spernas, sed discernas,  
Homo gemma regia:  
Te perpende, et attende  
Qua sis factus gratia.

Recordare quis et quare  
Sis a Deo conditus;  
Huius haeres nunc maneres,  
Si fuisses subditus.

O mortalis, quantis malis  
Meruisti affici,  
Dum rectori et auctori  
Noluisti subiici.

Sed maiores sunt dolores  
Infernalis carceris;  
Quo mittendus et torquendus  
Es, si male vixeris.

Cui mundus est iucundus,  
Suam perdit animam;  
Pro re levi atque brevi  
Vitam perdit optimam.

Ergo cave ne suave  
Iugum spernas Domini;  
Nec abiecta lege recta  
Servias libidini.

Si sunt plagae, curam age  
Ut curentur citius :  
Ne, si crescant et putrescant  
Pergas in deterius.

Ne desperes, iam cohaeres  
Christi esse poteris,  
Si carnales, quantum vales,  
Affectus excluseris ;

Si vivorum et functorum  
Christum times iudicem :  
Debes scire, quod perire  
Suum non vult supplicem.

Preces funde, pectus tunde,  
Flendo cor humilia :  
Poenitenti et gementi  
Non negatur venia.

---

33.

Quid, Tyranne ! quid minaris,  
Quid usquam poenarum est ?  
Quidquid tandem machinaris :  
Hoc amanti parum est ;  
Dulce mihi cruciari,  
Parva vis doloris est :  
Malo mori quam foedari !  
Maior vis amoris est.

Para rogos, quamvis truces,  
 Et quidquid flagrorum est:  
 Adde ferrum, adde cruces:  
 Nil adhuc amanti est;  
 Dulce mihi cruciari,  
 Parva vis doloris est:  
 Malo mori quam foedari!  
 Maior vis amoris est.

Nimis blandus dolor ille!  
 Una mors quam brevis est!  
 Cruciatus amo mille,  
 Omnis poena levis est.  
 Dulce mihi sauciari,  
 Parva vis doloris est:  
 Malo mori quam foedari!  
 Maior vis amoris est.

---

## TEMPORE PASSIONIS DOMINI.

34.

Ex more docti mystico  
 Servemus hoc ieiunium,  
 Deno dierum circulo  
 Ducto quater notissimo.

Lex et prophetae primitus  
 Hoc protulerunt, postmodum  
 Christus sacravit, omnium  
 Rex atque factor temporum.

Utamur ergo parcius  
Verbis, cibis et potibus,  
Somno, iocis et arctius  
Perstemus in custodia.

Vitemus autem pessima,  
Quae subruunt mentes vagas;  
Nullumque demus callido  
Hosti locum tyrannidis.

Dicamus omnes cernui  
Clamemus atque singuli,  
Ploremus ante iudicem,  
Flectamus iram vindicem,

Nostris malis offendimus  
Tuam, Deus, clementiam,  
Effunde nobis desuper  
Remissor indulgentiam.

Memento quod sumus tui  
Licet caduci plasmatis,  
Ne des honorem nominis  
Tui, precamur, alteri.

Laxa malum, quod fecimus,  
Auge bonum quod poscimus,  
Placere quo tandem tibi  
Possimus hic et perpetim.

---

Rex Christe factor omnium,  
Redemptor et credentium,  
Placare votis supplicum  
Te laudibus colentium.

Cuius benigna gratia  
Crucis per alma vulnera  
Virtute solvit ardua  
Primi parentis vincula.

Qui es creator siderum  
Tegmen subisti carneum,  
Dignatus hanc vilissimam  
Pati doloris formulam.

Ligatus es, ut solveres  
Mundi ruentis complices,  
Per probra tergens crimina  
Quae mundus auxit plurima.

Cruci redemptor figeris,  
Terram sed omnem concutis;  
Tradis potentem spiritum  
Nigrescit atque saeculum.

Mox in paternae gloriae  
Victor resplendens culmine  
Cum spiritus munimine  
Defende nos, rex optime.



Pange lingua gloriosi proelium certaminis  
Et super crucis tropaeo dic triumphum no-  
bilem,  
Qualiter redemptor orbis immolatus vicerit.

De parentis protoplasti fraude factor con-  
dolens,  
Quando pomi noxialis morsu in mortem  
corruiet,  
Ipse lignum tunc notavit damna ligni ut  
solveret.

Hoc opus nostrae salutis ordo depoposcerat,  
Multiformis proditoris ars ut artem falleret  
Et medelam ferret inde hostis unde laeserat.

Quando venit ergo sacri plenitudo temporis,  
Missus est ab arce patris natus orbis conditor  
Atque ventre virginali caro factus prodiit.

Vagit infans inter arcta conditus praesepia,  
Membra pannis involuta virgo mater alligat,  
Et pedes manusque crura stricta cingit fascia.

Lustra sex qui iam peracta, tempus implens  
corporis  
Se volente, natus ad hoc, passioni deditus  
Agnus in cruce levatur, immolandus stipite.

Hic acetum, fel, arundo, sputa, clavi, lancea,  
 Mite corpus perforatur, sanguis unda profluit,  
 Terra, pontus, astra mundus quo lavantur  
 flumine.

Crux fidelis inter omnes, arbor una nobilis  
 Nulla talem silva profert fronde, flore, ger-  
 mine:

Dulce lignum dulci clavo dulce pondus su-  
 stinens.

Flecte ramos arbor alta, tensa laxa viscera  
 Et rigor lentescat ille quem dedit nativitas  
 Ut superni membra regis miti tendas stipite.

Sola digna tu fuisti ferre pretium saeculi,  
 Atque portum praeparare nauta mundo nau-  
 frago,

Quem sacer cruor perunxit fusus agni cor-  
 pore.

Gloria et honor Deo usque quo altissimo  
 Una patri filioque, inclito paraclito  
 Cui laus est et potestas per aeterna saecula.

---

37.

Vexilla regis prodeunt,  
 Fulget crucis mysterium,  
 Quo carne carnis conditor  
 Suspensus est patibulo.

D \*

Quo vulneratus insuper  
Mucrone diro lanceae,  
Ut nos lavaret crimine  
Manavit unda et sanguine.

Impleta sunt quae concinit  
David fideli carmine  
Dicendo: in nationibus  
Regnavit a ligno Deus.

Arbor decora et fulgida  
Ornata regis purpura,  
Electa digno stipite  
Tam sancta membra tangere.

Beata cuius brachiis  
Pretium pependit saeculi,  
Statera facta est saeculi  
Praedamque tulit tartari.

O crux ave spes unica  
Hoc passionis tempore,  
Auge piis iustitiam  
Reisque dona veniam.

## 38.

Salve caput cruentatum,  
Totum spinis coronatum,  
Conquassatum, vulneratum,  
Arundine sic verberatum,  
Facie sputis illita.

Salve, cuius dulcis vultus  
Immutatus et incultus  
Immutavit suum florem  
Totus versus in pallorem,  
Quem coeli tremit curia.

Omnis vigor atque viror  
Hinc recessit, non admiror,  
Mors apparet in inspectu  
Totus pendens in defectu  
Attritus aegra macie.  
Sic affectus, sic despectus  
Propter me sic interfectus,  
Peccatori tam indigno  
Cum amoris in te signo  
Appare clara facie.

In hac tua passione  
Me agnosce pastor bone,  
Cuius sumsi mel ex ore,  
Haustum lactis ex dulcore  
Prae omnibus deliciis.  
Non me reum asperneris  
Nec indignum dedigneris,  
Morte tibi iam vicina  
Tuum caput hic inclina,  
In meis pausa bracchiis.

Tuae sanctae passioni  
Me gauderem interponi,  
In hac cruce tecum mori

Praesta crucis amatori,  
 Sub cruce tua moriar;  
 Morti tuae iam amarae  
 Grates ago, Iesu care,  
 Qui es clemens, pie Deus  
 Fac quod petit tuus reus  
 Ut absque te non finiar.

Dum me mori est necesse,  
 Noli mihi tunc deesse:  
 In tremenda mortis hora  
 Veni Iesu absque mora  
 Tuere me et libera.  
 Cum me iubes emigrare,  
 Iesu care tunc appare,  
 O amator amplectende  
 Temet ipsum tunc ostende  
 In cruce salutifera.

## 39.

Iesu, dulce medicamen  
 Esto cordis consolamen  
 Pietatis gratia;  
 Mentis da tranquillitatem  
 Atque veram pietatem  
 Pia conscientia.

Cogitatus, intellectus,  
 Motus semper et affectus

Tua providentia  
Incessanter foveantur,  
Ad te semper dirigantur  
Cordis desideria.

Iesu, dulcis mi salvator,  
Orbis pius reparator,  
Qui mira clementia  
Corpus tuum venerandum  
Tradidisti trucidandum  
Ad crucis supplicia.

Potestatem praebens pravis  
Laniandi membra clavis  
Dirisque verberibus,  
Corpus sinens sic artari,  
Ut valerent numerari  
Ossa cum lateribus.

Iesu clemens, ob amorem,  
Dirae mortis qui languorem  
Te fecit suscipere,  
Tuam quaeso pietatem  
Meam dele pravitatem  
Bonitatis munere.

In adversis patientem,  
In dolore fac gaudentem  
Tua me clementia,  
In secundis temperatum,  
In moerore non turbatum,  
Laetum in iniuria.

Iesu, fons dilectionis,  
Iugis tuae passionis  
Mihi da memoriam,  
Fideique firmitatem  
Et perfectam caritatem  
Speique fiduciam.

Fac me vitiis mundatum  
Et virtutibus dicatum  
Post praesens exilium  
Ad iucundum beatorum  
Civiumque supernorum  
Venire consortium.

## 40.

Patris sapientia, veritas divina,  
Deus homo captus est hora matutina,  
A suis discipulis cito derelictus  
Iudaeis est traditus venditus, afflictus.

Hora prima ductus est Iesus ad Pilatum  
Falsis testimoniis multum accusatum  
In collum percutiunt manibus ligatum,  
Vultum Dei conspuunt, lumen coeli gratum.

Crucifige, clamitant hora Tertiarum;  
Illusus induitur veste purpurarum,  
Caput eius pungitur corona spinarum,  
Crucem portat humeris ad locum poenarum

Hora sexta Iesus est cruci conclavatus  
 Et est cum latronibus pendens deputatus,  
 Prae tormentis sitiens felle saturatus,  
 Agnus crimen diluit sic ludificatus.

Hora nona dominus Iesus exspiravit,  
 Hæli clamans animam patri commendavit,  
 Latus eius lancea miles perforavit,  
 Terra tunc contremuit et sol obscuravit.

De cruce deponitur hora vespertina,  
 Fortitudo latuit in mente divina,  
 Talem mortem subiit vitae medicina,  
 Heu corona gloriae iacuit supina.

Hora completorii datur sepulturae  
 Corpus Christi nobile, spes vitae futurae,  
 Conditur aromate, complentur scripturae;  
 Iugis sic memoria mors est mihi curae.

Has horas canonicas cum devotione  
 Tibi Christe recolo pia ratione  
 Ut qui pro me passus es amoris ardore  
 Sis mihi solatium in mortis agone.

## 41.

Ecquis binas columbinas  
 Alas dabit animae?  
 Ut in aliam crucis palmam  
 Evolet citissime,



In qua Iesus totus laesus,  
Orbis desiderium,  
Et immensus est suspensus,  
Factus improprium!

O cor scande, Iesu pande  
Caritatis viscera.  
Et profunde me recondo  
Intra sacra vulnera;  
In superna me caverna  
Colloca maceriae;  
Hic viventi, quiescenti  
Finis est miseriae.

O mi Deus, amor meus!  
Tunc pro me pateris?  
Proque indigno, crucis ligno  
Iesu mi suffigeris?  
Pro latrone, Iesu bone,  
Tu in crucem tolleris!  
Pro peccatis meis, gratis  
Vita mea moreris!

Non sum tanti, Iesu! quanti  
Amor tuus aestimat:  
Heu cur ego vitam dego,  
Si cor te non redamat?  
Benedictus sit invictus  
Amor vincens omnia,  
Amor fortis, tela mortis  
Reputans ut somnia.

Iste fecit, et refecit  
Amor, Iesu, perditum;  
O insignis, Amor, ignis  
Cor accende frigidum.  
O fac vere cor ardere,  
Fac, me te diligere,  
Da coniungi, da defungi  
Tecum Iesu, et vivere. Amen.

42.

Crux benedicta nitet, dominus qua carne  
 Atque cruore suo vulnera nostra lavit.

Mitis amore pio pro nobis victima factus,  
Traxit ab ore lupi qua sacer agnus oves.

Transfixis palmis ibi mundum a clade redemit  
Atque suo clausit funere mortis iter.

Hic manus illa fuit clavis confixa cruentis  
Quae eripuit Paulum crimine, morte Petrum.

Fertilitate potens, o dulce et nobile lignum,  
Quando tuis ramis tam nova poma geris.

Cuius odore novo defuncta cadavera surgunt  
Et redeunt vitae qui caruere die.

Nullum uret aestus sub frondibus arboris  
huius,  
Luna nec in nocte, sol neque meridie.

Tu plantata micas secus est ubi cursus  
aquarum  
Spargis et ornatas flore recente comas.

Appensa est vitis inter tua brachia, de qua  
Dulcia sanguineo vina rubore fluunt.

O tam magna deo magnalia tanta paranti,  
Quanta mira facit gloria magna Deo.

## 43.

Laudes crucis attollamus  
Nos, qui crucis exultamus  
Speciali gloria:  
Nam in cruce triumphamus,  
Hostem ferum superamus  
Vitali victoria.

Dulce melos tangat coelos,  
Dulce lignum dulci dignum  
Credimus melodia:  
Voci vita non discordet  
Quum vox vitam non remordet,  
Dulcis est symphonia.

Servi crucis crucem laudent,  
Per quam crucem sibi gaudent  
Vitae dari munera;  
Dicant omnes et dicant singuli:  
Ave salus totius saeculi  
Arbor salutifera.

O quam felix, quam praeclara  
Fuit haec salutis ara  
Rubens agni sanguine;  
Agni sine macula,  
Qui mundavit saecula  
Ab antiquo crimine.

Haec est scala peccatorum,  
Per quam Christus rex coelorum  
Ad se traxit omnia:  
Forma cuius haec ostendit  
Quae terrarum comprehendit  
Quatuor confinia.

Non sunt nova sacramenta,  
Nec recenter est inventa  
Crucis haec religio:  
Ista dulces aquas fecit,  
Per hanc silex aquas iecit  
Moysi officio.

Nulla salus est in domo,  
Nisi cruce munit homo  
Superliminaria:

Neque sensit gladium,  
Nec amisit filium,  
Quisquis egit talia.

Ligna legens in Sarcophaga  
Spem salutis est adepta  
Pauper muliercula :  
Sine lignis fidei  
Nec lecythus olei  
Valet nec farinula.

Roma naves universas  
In profundum vidit mersas  
Una cum Maxentio :  
Fusi Thraces, caesi Persae,  
Sed et partis dux adversae  
Victus ab Heraclio.

In scripturis sub figuris  
Ista latent, sed iam patent  
Crucis beneficia :  
Reges credunt, hostes cedunt  
Sola cruce Christo duce  
Unus fugat millia.

Ista suos fortiores  
Semper facit et victores,  
Morbos sanat et languores,  
Reprimit daemonia :  
Dat captivis libertatem,  
Vitae confert novitatem,

Ad antiquam dignitatem  
Crux reduxit omnia.

O crux signum triumphale  
Vera mundi salus, vale!  
Inter ligna nullum tale  
Fronde, flore, germine:  
Medicina christiana  
Salva sanos, aegros sana;  
Quod non valet vis humana  
Fit in tuo nomine.

Astistentes crucis laudi,  
Consecrator crucis audi,  
Atque servos tuae crucis  
Post hanc vitam, verae lucis  
Transfer ad palatia:  
Quos tormento vis servire,  
Fac tormenta non sentire,  
Sed cum dies erit irae,  
Confer nobis et largire  
Sempiterna gaudia.

## 44.

Recordare sanctae crucis,  
Qui perfectam viam ducis,  
Delectare iugiter.  
Sanctae crucis recordare  
Et in ipsa meditare  
Insatiabiliter.

Quum quiescis aut laboras,  
Quando rides, quando ploras,  
Doles sive gaudeas,  
Quando vadis, quando venis,  
In solatiis, in poenis  
Crucem corde teneas.

Crux in omnibus pressuris  
Et in gravibus et duris  
Est totum remedium.  
Crux in poenis et tormentis  
Est dulcedo piaae mentis  
Et verum refugium.

Crux est porta Paradisi,  
In qua sancti sunt confisi,  
Qui vicerunt omnia.  
Crux est mundi medicina,  
Per quam bonitas divina  
Facit mirabilia.

Crux est salus animarum,  
Verum lumen et praeclarum,  
Et dulcedo cordium.  
Crux est vita beatorum  
Et thesaurus perfectorum  
Et decor et gaudium.

Crux est speculum virtutis  
Gloriosae dux salutis,  
Cuncta spes fidelium.

Crux est decus salvandorum  
Et solatium eorum  
Atque desiderium.

Crux est arbor decorata,  
Christi sanguine sacrata,  
Cunctis plena fructibus;  
Quibus animae eruuntur,  
Cum supernis nutriuntur  
Cibis in coelestibus.

Specialem fer amorem  
Et praecipuum honorem  
Cruci salutiferae.  
Cum fervore medullarum,  
Nixu virium tuarum  
Velis hanc diligere.

Diligenter pone mentem  
Super Christum patientem,  
Et ei condoleas.  
Christi mortem, Christiane,  
Plange sero atque mane,  
Et in planctu gaudeas.

Quam despectus, quam deiectus  
Rex coelorum est effectus,  
Ut salvaret seculum?  
Esurivit et sitivit,  
Pauper et egenus ivit  
Usque ad patibulum.



Quum deductus est immensus  
Et in cruce tunc suspensus,  
Fugerunt discipuli.  
Manus pedes perfoderunt,  
Et aceto potaverunt  
Summum regem saeculi:

Cuius oculi beati  
Sunt in cruce obscurati,  
Et vultus expalluit.  
Suo corpori tunc nudo  
Non remansit pulchritudo,  
Decor omnis aufugit.

Propter hominum peccata  
Sua caro cruciata  
Fuit inter verbera.  
Membra sua sunt distenta.  
Propter aspera tormenta  
Et illata vulnera.

Inter magnos cruciatus  
Est in cruce lacrimatus  
Et emisit spiritum.  
Suspiremus et fleamus,  
Toto corde doleamus  
Super unigenitum.

Crucifixe, fac me fortem,  
Ut libenter tuam mortem  
Plangam, donec vixero.

Tecum volo vulnerari,  
Te libenter amplexari  
In cruce desidero.

---

## 45.

Crux fidelis, terras coelis  
Miro nectens foedere,  
Nos in laude tua gaude  
Devotos incedere.

Crux est thronus in quo bonus  
Pastor oves redimit:  
Crux fecundat, crux emundat,  
Crux hostem interimit.

Crux est signum quod est dignum  
Conservare perditos:  
Crux est dies per quam quies  
Redditur ad timidos.

Crux est satis fida ratis,  
Crux est horror daemonum:  
Crux est scutum nimis tutum  
Et trophaeum militum.

Ara crucis, lampas lucis,  
Vera salus hominum:  
Nobis pronum fac patronum  
Quae tulisti Dominum.

Salve lignum vitae dignum  
Ferre mundi pretium:  
Confecisti plebi Christi  
Crucis beneficium.

---

46.

Crux ave benedicta!  
Per te mors est devicta,  
In te pependit Deus,  
Rex, et Salvator meus.

Tu arborum Regina,  
Salutis medicina,  
Pressorum es levamen  
Et tristium solamen-

O sacrosanctum lignum,  
Tu vitae nostrae signum,  
Tulisti fructum Iesum,  
Humani cordis esum.

Dum crucis inimicos  
Vocabis, et amicos;  
O Iesu fili Dei!  
Sis, oro, memor mei.

---

## DE COMPASSIONE B. VIRGINIS.

Stabat mater dolorosa  
Iuxta crucem lacrymosa,  
Dum pendebat filius,  
Cuius animam gementem  
Contristantem ac dolentem  
Pertransivit gladius.

O quam tristis et afflicta  
Fuit illa benedicta  
Mater Unigeniti!  
Quae moerebat et dolebat  
Et tremebat, cum videbat  
Nati poenas inclyti.

Quis est homo, qui non fleret,  
Matrem Christi si videret  
In tanto supplicio?  
Quis non posset contristari,  
Piam matrem contemplari  
Dolentem cum filio.

Pro peccatis suae gentis  
Vidit Iesum in tormentis  
Et flagellis subditum,  
Vidit suum dulcem natum  
Morientem, desolatum,  
Dum emisit spiritum.

Eia Mater, fons amoris !  
Me sentire vim doloris  
Fac, ut tecum lugeam.  
Fac, ut ardeat cor meum  
In amando Christum Deum  
Ut sibi complaceam.

Sancta mater, istud agas  
Crucifixi fige plagas  
Cordi meo valide.  
Tui nati vulnerati  
Tam dignati pro me pati  
Poenas mecum divide.

Fac me tecum vere flere  
Crucifixo condolere,  
Donec ego vixero.  
Iuxta crucem tecum stare  
Meque tibi sociare  
In planctu desidero.

Virgo virginum praeclara,  
Mihi iam non sis amara,  
Fac me tecum plangere,  
Fac ut portem Christi mortem  
Passionis fac consortem  
Et plagas recolare.

Fac me plagis vulnerari,  
Cruce hac inebriari  
Ob amorem filii.

Inflammatum et accensum  
 Per te, virgo, sum defensum  
 In die iudicii.

Fac me cruce custodiri,  
 Morte Christi praemuniri,  
 Confoveri gratia.  
 Quando corpus morietur,  
 Fac ut animae donetur  
 Paradisi gloria.

## 48.

## DOMINICA PALMARUM.

Gloria, laus et honor tibi sit rex Christe,  
redemptor  
 Cui puerile decus prompsit Hosanna pium.

Israelis tu rex, Davidis et inclyta proles,  
 Nomine qui in domini rex benedicte venis.  
 Gloria, laus et honor etc.

Coetus in excelsis te laudat coelitus omnis  
 Et mortalis homo et cuncta creata simul.  
 Gloria, laus et honor etc.

Plebs Hebraea tibi cum palmis obvia venit,  
 Cum prece, voto, hymnis adsumus ecce tibi.  
 Gloria, laus et honor etc.

Hi tibi passuro solvebant munia laudis,  
 Nos tibi regnanti pangimus ecce melos.  
 Gloria, laus et honor etc.

Hi placuere tibi, placeat devotio nostra,  
 Rex pie, rex clemens, cui bona cuncta placent.  
 Gloria, laus et honor etc.

---

### DE SACRA COENA.

49.

Sancti venite,  
 Christi corpus sumite,  
 Sanctum bibentes  
 Quo redempti, sanguinem.

Salvati Christi  
 Corpore et sanguine,  
 A quo refecti  
 Laudes dicamus Deo.

Hoc sacramento  
 Corporis et sanguinis  
 Omnes exempti  
 Ab inferni faucibus.

Dator salutis,  
 Christus filius Deo  
 Mundum servavit  
 Per crucem et sanguinem.

Pro universis  
 Immolatus dominus,  
 Ipse sacerdos  
 Exstitit et hostia.

Lege praeceptum  
Immolari hostias,  
Qua adumbrantur  
Divina mysteria.

Lucis indultor  
Et salvator omnium  
Praelaram sanctis  
Largitus est gratiam.

Accedant omnes  
Pura mente creduli,  
Sumant aeternam  
Salutis custodiam.

Sanctorum custos  
Rector quoque dominus  
Vitam perennem  
Largitur credentibus.

Coelestem panem  
Dat esurientibus,  
De fonte vivo  
Praebet sitientibus.

Alpha et Omega  
Ipse Christus dominus,  
Venit venturus  
Iudicare homines.

---



50.

Pange lingua gloriosi corporis mysterium  
Sanguinisque pretiosi, quem in mundi pretium  
Fructus ventris generosi, rex effudit gentium.

Nobis natus, nobis datus ex intacta virgine  
Et in mundo conversatus, sparso verbi semine  
Sui moras incolatus miro clausit ordine.

In supremæ nocte coenæ recumbens cum  
fratribus

Observata lege plene cibis in legalibus,  
Cibum turbae duodenæ se dat suis manibus.

Verbum caro, panem verum verbo carnem  
efficit,

Fitque sanguis Christi merum; etsi sensus  
deficit,

Ad firmandum cor sincerum sola fides sufficit.

Tantum ergo sacramentum veneremur cernui  
Et antiquum documentum novo cedat ritui:  
Praestet fides supplementum sensuum de-  
fectui.

Genitori genitoque laus et iubilatio,  
Salus, honor, virtus quoque sit et benedictio,  
Procedenti ab utroque compar sit laudatio.

51.

Lauda Sion salvatorem,  
Lauda ducem et pastorem  
In hymnis et canticis:

Quantum potes, tantum gaude,  
Quia maior omni laude,  
Nec laudare sufficis.

Laudis thema spiritalis  
Panis vivus et vitalis  
Hodie proponitur,  
Quem in sacrae mensa coenae  
Turbæ fratrum duodenae  
Datum non ambigitur.

Sit laus plena, sit sonora  
Sit iucunda, sit decora,  
Mentis iubilatio:  
Dies enim sollemnis agitur  
In qua mensae prima recolitur  
Huius institutio.

In hac mensa novi regis  
Novum pascha novae legis  
Phase vetus terminat.  
Vetustatem novitas,  
Umbram fugat veritas,  
Noctem lux eliminat.

Quod in coena Christus gessit  
Faciendum hoc expressit  
In sui memoriam.  
Docti sacris institutis  
Panem, vinum in salutis,  
Consecramus hostiam.

Dogma datur Christianis.  
Quod in carnem transit panis  
Et vinum in sanguinem.  
Quod non capis, quod non vides,  
Animosa firmat fides  
Praeter rerum ordinem.

Sub diversis speciebus,  
Signis tantum et non rebus,  
Latent res eximiae.  
Caro cibus, sanguis potus :  
Manet tamen Christus totus  
Sub utraque specie.

A sumente non concisus,  
Non confractus, non divisus,  
Integer accipitur.  
Sumit unus, sumunt mille,  
Quantum isti, tantum ille,  
Nec sumptus consumitur.

Sumunt boni, sumunt mali  
Sorte tamen inaequali  
Vitae vel interitus.  
Mors est malis, vita bonis :  
Vide, paris sumptionis  
Quam sit dispar exitus.

Fracto demum sacramento  
Ne vacilles, sed memento  
Tantum esse sub fragmento  
Quantum toto tegitur :

Nulla rei fit scissura,  
Signi tantum fit fractura  
Qua nec status nec statura  
Signati minuitur.

Ecce panis angelorum,  
Factus cibus viatorum,  
Vere panis filiorum,  
Non mittendus canibus.  
In figuris praesignatur,  
Quum Isaac immolatur,  
Agnus Paschae deputatur,  
Datur manna patribus.

Bone pastor, panis vere,  
Iesu, nostri miserere.  
Tu nos pasce, nos tuere,  
Tu nos bona fac videre  
In terra viventium.  
Tu qui cuncta scis et vales,  
Qui nos pascis hic mortales,  
Tuos ibi commensales,  
Cohaeredes et sodales  
Fac sanctorum omnium.

---

52.

Anima Christi sanctifica me,  
Corpus Christi salva me,  
Sanguis Christi inebria me,  
Aqua lateris Christi lava me.

Passio Christi conforta me:  
O bone Iesu exaudi me,  
Intra vulnera tua absconde me  
Et ne permittas me separari a te,  
Ab hoste maligno defende me,  
In hora mortis meae voca me,  
Et iube me venire ad te,  
Ut cum sanctis tuis laudem te  
In saecula saeculorum.

---

## 53.

O esca viatorum,  
O panis Angelorum,  
O manna coelitum!  
Esurientes ciba,  
Dulcedine non priva  
Cor te quaerentium.  
  
O lympa fons amoris,  
Qui puro Salvatoris  
E corde profluis!  
Te sitientes pota.  
Haec sola nostra vota,  
His una sufficis.  
  
O Iesu tuum vultum,  
Quem colimus occultum  
Sub panis specie,  
Fac, ut remoto velo,  
Aperta nos in coelo  
Cernamus acie.

---

## IN FESTO PASCHALI.

54.

Salve festa dies, toto venerabilis aevo  
 Qua Deus infernum vicit et astra tenet,  
 Salve festa dies toto venerabilis aevo.

Ecce renascentis testatur gratia mundi  
 Omnia cum domino dona redisse suo.  
 Qua Deus infernum vicit et astra tenet.

Namque triumphanti post tristia tartaro  
Christo  
 Undique fronde nemus, gramina flore favent.  
 Salve festa dies etc.

Legibus inferni oppressis super astra me-  
antem  
 Laudant rite Deum lux, polus, arva, fretum.  
 Qua Deus infernum etc.

Qui crucifixus erat, Deus ecce per omnia  
regnat  
 Dantque creatori cuncta creata precem.  
 Salve festa dies etc.

55.

Aurora lucis rutilat,  
 Coelum laudibus intonat,  
 Mundus exultans iubilat,  
 Gemens infernus ululat,

Cum rex ille fortissimus  
Mortis confractis viribus,  
Pede conculcans tartara  
Solvit catena miseros.

Ille qui clausus lapide  
Custoditur sub milite,  
Triumphans pompa nobili  
Victor surgit de funere.

Solutis iam gemitibus  
Et inferni doloribus,  
Quia surrexit dominus  
Splendens clamavit angelus.

Tristes erant apostoli  
De nece sui domini,  
Quem poena mortis crudeli  
Servi damnarant impii.

Sermone blando angelus  
Praedixit mulieribus:  
In Galilaea dominus  
Videndus est quantocyus.

Illae dum pergunt concite  
Apostolis hoc dicere,  
Videntes eum vivere  
Osculant pedes domini.

Quo agnito discipuli  
In Galilaeam propere

Pergunt, videre faciem  
Desideratam domini.

Claro paschali gaudio  
Sol mundo nitet radio,  
Cum Christum iam apostoli  
Visu cernunt corporeo.

Ostensa sibi vulnera  
In Christi carne fulgida  
Resurrexisse dominum  
Voce fatentur publica.

Rex Christe clementissime,  
Tu corda nostra posside,  
Ut tibi laudes debitas  
Reddamus omni tempore.

## 56.

Ad coenam agni providi  
Et stolis albis candidi,  
Post transitum maris rubri  
Christo canamus principi.

Cuius corpus sanctissimum  
In ara crucis torridum,  
Cruore eius roseo  
Gustando vivimus Deo.

Protecti paschae vespere  
A devastante angelo,



Erepti de durissimo  
Pharaonis imperio.

Iam pascha nostrum Christus est,  
Qui immolatus agnus est,  
Sinceritatis azyma  
Caro eius oblata est.

O vera digna hostia,  
Per quam fracta sunt tartara,  
Redempta plebs captivata,  
Reddita vitae praemia.

Cum surgit Christus tumulo,  
Victor redit de barathro,  
Tyrannum trudens vinculo  
Et reserans paradisum.

Quaesumus auctor omnium  
In hoc paschali gaudio:  
Ab omni mortis impetu  
Tuum defende populum.

---

57.

Victimae paschali laudes immolent Chri-  
stiani:

Agnus redemit oves, Christus innocens patri  
reconciliavit peccatores.

Mors et vita duello conflixere mirando: dux  
vitae mortuus regnat vivus.

Dic nobis Maria: Quid vidisti in via?  
 Sepulcrum Christi viventis et gloriam vidi  
 resurgentis.

Dic nobis Maria: Quid vidisti in via?  
 Angelicos testes, sudarium et vestes.

Dic nobis Maria: Quid vidisti in via?  
 Surrexit Christus spes mea, praecedet vos  
 in Galilaea.

Credendum est magis soli Mariae veraci quam  
 Iudaeorum turbae fallaci.

Scimus Christum surrexisse ex mortuis vere:  
 tu nobis victor rex miserere.

58.

Mitis agnus, leo fortis,  
 Triduanæ somno mortis  
 Excitatur hodie;  
 Inferorum fractis portis  
 Nos consortes suae sortis  
 Efficit et gloriae.

Ad sepulcrum cum unguentis  
 Pari voto piae mentis  
 Accesserunt feminae;  
 Afferentes unctionem  
 Angelorum visionem  
 Meruerunt cernere.

~~~~~  
Par accessus, amor idem;
Ad eundem habent fidem
Sub eodem nomine;
Lapis erat revolutus;
Quidam eis est locutus:
Nolite metuere.

Festinantes ite retro;
Nuntiantes visu Petro
Caeterisque propere!
Resurrexit vere Iesus;
Immortalis et illaesus
Vivit iam in aethere.

59.

Mundi renovatio
Nona parit gaudia,
Resurgenti domino
Conresurgunt omnia:
Elementa serviunt
Et auctoris sentiunt
Quanta sint sollemnia.

Ignis volat mobilis,
Et aer volubilis,
Fluit aqua labilis,
Terra manet stabilis,
Alta petunt levia,
Centrum tenent gravia,
Renovantur omnia.

~~~~~  
Coelum fit serenius,  
Et mare tranquillius,  
Spirat aura levius,  
Vallis nostra floruit.  
Revirescunt arida  
Recalescunt frigida  
Postquam ver intepuit.

Gelu mortis solvitur  
Princeps mundi tollitur  
Et eius destruitur  
In nobis imperium,  
Dum tenere voluit,  
In quo nihil habuit  
Ius amisit proprium.

Vita mortem superat,  
Homo iam recuperat,  
Quod prius amiserat  
Paradisi gaudium:  
Viam praebet facilem  
Cherubim versatilem  
Ut deus promiserat  
Amovendo gladium.

---

60.

Zyma vetus expurgetur,  
Ut sincere celebretur  
Nova resurrectio:

Haec est dies nostrae spei,  
Huius mira vis diei  
Legis testimonio.

Haec Aegyptum spoliavit  
Et Hebraeos liberavit  
De fornace ferrea:  
His in arcto constitutis  
Opus erat servitutis  
Lutum, later, palea.

Iam divinae laus virtutis  
Iam triumphi, iam salutis  
Vox erumpat libera:  
Haec est dies quam fecit dominus,  
Dies nostri doloris terminus,  
Dies salutifera.

Lex est umbra futurorum,  
Christus finis promissorum,  
Qui consummat omnia:  
Christi sanguis igneam  
Hebetavit rhomphaeam  
Amota custodia.

Puer nostri forma risus,  
Pro quo vervex est occisus,  
Vitae signat gaudium,  
Ioseph exit de cisterna,  
Christus redit ad superna  
Post mortis supplicium.

Hic dracones Pharaonis  
Draco vorat, a draconis  
Immunis malitia:  
Quos ignitus vulnerat  
Hos serpentis liberat  
Aenei praesentia.

Anguem forat in maxilla  
Christi hamus et armilla,  
In cavernam reguli  
Manum mittit ablactatus  
Et sic fugit exturbatus  
Vetus hospes saeculi.

Irrisores Helisaei,  
Dum conscendit domum dei,  
Zelum calvi sentiunt:  
David arreptitius,  
Hircus emissarius  
Et passer effugiunt.

In maxilla mille sternit  
Et de tribu sua spernit  
Samson matrimonium,  
Samson Gasae seras pandit  
Et asportans portas scandit  
Montis supercilium.

Sic de Iuda leo fortis  
Fractis portis dirae mortis  
Die surgit tertia  
Rugiente voce patris

Ad supernae sinum matris  
Tot revexit spolia.

Cetus Ionam fugitivum,  
Veri Ionae signativum,  
Post tres dies reddit vivum  
De ventris angustia:  
Botrus Cypri reflorescit,  
Dilatatur et excrescit,  
Synagogae flos marcescit,  
Et floret ecclesia.

Mors et vita conflixere,  
Resurrexit Christus vere  
Et cum Christo surrexere  
Multi testes gloriae,  
Mane novum, mane lactum  
Vespertinum tergat fletum,  
Quia vita vicit letum,  
Tempus est laetitiae.

Iesu victor, Iesu vita,  
Iesu vitae via trita  
Cuius morte mors sopita,  
Ad paschalem nos invita  
Mensam cum fiducia.  
Vive panis, vivax unda  
Vera vitis et fecunda,  
Tu nos pasce, tu nos munda,  
Ut a morte nos secunda  
Tua salvet gratia.

Collaudemus Magdalenae lacrimas et gau-  
dium,  
Sonent voces laude plenae de concentu cor-  
dium  
Ut concordet philomelae turturis suspirium.

Iesum quaerens convivarum turbas non eru-  
buit,  
Pedes unxit, lacrimarum fluvio quos abluit,  
Crine tersit et culparum veniam promeruit.

Suum lavit mundatorem, rivo fons immaduit,  
Pium fudit flos liquorem, in ipsum reffloruit;  
Coelum terrae dedit rorem, terra coelum  
compluit.

In praedulci mixtione nardum ferens pisti-  
cum,  
In unguenti fusione typum gessit mysticum,  
Ut sanetur unctione unxit aegra medicum.

Pie Christus hanc respexit speciali gratia,  
Quia multum hunc dilexit dimittuntur vitia,  
Christi quando resurrexit facta est praenuntia.

Aestimavit hortulanum et hoc sane credidit.  
Seminavit enim granum quod in mentem ce-  
cidit,  
Linguam novit et non manum, linguam  
Christus indidit.



Non agnovit figurali latentem imagine,  
Mentis agrum spiritali excolentem semine,  
Sed cum eam speciali designavit nomine.

Haec a Iesu Iesum quaerit, sublatum con-  
queritur,  
Iesus intus mentem gerit, Iesus praesens  
quaeritur,  
Mentem colit, mentem serit Iesus, nec per-  
cipitur.

Iesu bone, Iesu pie, quid te monstrans latitas;  
Quid occultas te Mariae, mentem cuius ha-  
bitas;  
Intus plena vero die nescit nisi veritas.

O quam mire Iesu ludis his quibus diligeris.  
Sed cum ludis non illudis, nec fallis nec  
falleris,  
Sed excludis quos includis, notus non agnos-  
ceris.

O Maria, noli flere, iam non quaeras alium;  
Hortulanus hic est vere et colonus mentium,  
Intra mentis ortum quaere mentis operarium.

Unde planctus et lamentum, quid mentem  
non erigis;  
Quid revolvis monumentum, tecum est quem  
diligis,  
Iesum quaeris, et inventum habes nec in-  
telligis.

Unde gemis, unde ploras, verum habes gaudium;

In te latet quod ignoras doloris solatium,  
Intus habes, quaeris foras languoris remedium.

Iam non miror si nescisti magistrum dum  
seminat,

Semen quod est verbum Christi te magis  
illuminat,

Et Rabboni respondisti cum Mariam nominat.

Pedes Christi quos lavisti fonte lota gratiae.  
Quem ab ipso recepisti funde rorem veniae,  
Resurgentis quem vidisti fac consortes gloriae.

Gloria et honor Deo cuius profert gratia  
Invitanti Pharisaeo Mariae suspiria,  
Coenam vitae qui dat reo gratiae post prandia.

## 62.

Surrexit Christus hodie  
Humano pro solamine. Alleluia.

Mortem qui passus pridie  
Miserrimo pro homine. Alleluia.

Mulieris ad tumulum  
Dona ferunt aromatum. Alleluia.

Quaerentes Iesum dominum  
Qui est salvator hominum. Alleluia.

Album cernentes angelum  
Annunciatum gaudium. Alleluia.

Mulieres o tremulae,  
In Galilaeam pergite. Alleluia.

Discipulis hoc dicite  
Quod surrexit rex gloriae. Alleluia.

Petro dehinc et ceteris  
Apparuit apostolis. Alleluia.

In hoc paschali gaudio  
Benedicamus domino. Alleluia.

Gloria tibi domine  
Qui surrexisti a morte. Alleluia.

Laudetur sancta trinitas,  
Deo dicamus gratias. Alleluia.

---

63.

Plaudite coeli!  
Rideat aether!  
Summus et imus  
Gaudeat orbis!  
Transivit atrae  
Turba procellae!  
Subiit almae  
Gloria palmae!

Surgite verni,  
Surgite flores,  
Germina pictis  
Surgite campis!  
Teneris mistae  
Violis rosae;  
Candida sparsis  
Lilia calthis!

Currite plenis  
Carmina venis,  
Fundite laetum  
Barbita metrum;  
Namque revixit,  
Sicuti dixit,  
Pius illaesus  
Funere Iesus.

Plaudite montes,  
Ludite fontes,  
Resonent valles,  
Repetant colles:  
Io, revixit,  
Sicuti dixit,  
Pius illaesus  
Funere Iesus.

---

64.

Pone luctum Magdalena!  
Et serena lacrymas;  
Non est iam Simonis coena,  
Non cur fletum exprimas,  
Causae mille sunt laetandi,  
Causae mille exultandi:  
Alleluia resonet.

Sume risum Magdalena!  
Frons nitescat lucida:  
Demigravit omnis poena,  
Lux coruscat fulgida:  
Christus mundum liberavit,  
Et de morte triumphavit,  
Alleluia resonet.

Gaude, plaude Magdalena!  
Tumba Christus exiit,  
Tristis est peracta scena,  
Victor mortis rediit,  
Quem deflebas morientem,  
Nunc arride resurgentem,  
Alleluia resonet.

Tolle vultum Magdalena!  
Redivivum obstupe,  
Vide frons quam sit amoena,  
Quinque plagas aspice,  
Fulgent sicut margaritae,  
Ornamenta novae vitae.  
Alleluia resonet.

Vive, vive Magdalena!  
Tua lux reversa est,  
Gaudiis turgescat vena,  
Mortis vis abstersa est:  
Moesti procul sint dolores,  
Laeti redeant amores,  
Alleluia resonet.

---

### IN FESTO ASCENSIONIS.

65.

Aeterne rex altissime,  
Redemptor et fidelium,  
Quo mors soluta deperit  
Datur triumphus gratiae.

Scandens tribunal dexteræ  
Patris, potestas omnium  
Collata Iesu coelitus,  
Quae non erat humanitus.

Ut trina rerum machina,  
Coelestium, terrestrium  
Et infernorum condita  
Flectat genu iam subdita.

Tremant videntes angeli  
Versam vicem mortalium:  
Culpat caro, purgat caro,  
Regnat Deus Dei caro.

Tu Christe nostrum gaudium,  
Manens Olympo praeditum,  
Mundi regis qui fabricam  
Mundana vincens gaudia.

Hinc te precantes quaesumus :  
Ignosce culpis omnibus  
Et corda sursum subleva  
Ad te superna gratia.

Ut cum repente coeperis  
Clarere nube iudicis,  
Poenas repellas debitas,  
Reddas coronas perditas.

---

### IN FESTO PENTECOSTES.

66.

Beata nobis gaudia  
Anni reduxit orbita,  
Cum spiritus paraclitus  
Effulsit in discipulos.

Ignis vibrante lumine  
Linguae figuram detulit.  
Verbis ut essent proflui  
Et caritate fervidi.

Linguis loquuntur omnium,  
Turbae pavent gentilium,  
Musto madere deputant,  
Quos spiritus repleverat.

Patrata sunt haec mystice  
 Paschae peracto tempore,  
 Sacro dierum numero,  
 Quo lege fit remissio.

Te nunc, Deus piissime,  
 Vultu precamur cernue;  
 Illapsa nobis coelitus  
 Largire dona spiritus.

Dudum sacrata pectora  
 Tua replesti gratia,  
 Dimitte nunc peccamina  
 Et da quietata tempora.

## 67.

Veni creator spiritus,  
 Mentis tuorum visita,  
 Imple superna gratia  
 Quae tu creasti pectora.

Qui paraclitus diceris  
 Donum Dei altissimi,  
 Fons vivus, ignis, caritas  
 Et spiritalis unctio.

Tu septiformis munere,  
 Dextrae Dei tu digitus,  
 Tu rite promisso patris,  
 Sermone ditas guttura.



Accende lumen sensibus,  
Infunde amorem cordibus,  
Infirma nostri corporis  
Virtute firmans perpetim.

Hostem repellas longius,  
Pacemque dones protinus,  
Ductore sic te praevio  
Vitemus omne noxium.

Per te sciamus da patrem,  
Noscamus atque filium,  
Te utriusque spiritum  
Credamus omni tempore.

Sit laus patri cum filio,  
Sancto simul paraclito,  
Nobisque mittat filius  
Charisma sancti spiritus.

---

68.

Veni Sancte Spiritus:  
Reple tuorum corda fidelium,  
Et tui amoris in eis ignem accende:  
Qui per diversitatem linguarum cunctarum  
Gentes in unitate fidei congregasti.  
Alleluia, Alleluia.

---

Qui procedis ab utroque,  
Genitore genitoque  
Pariter, Paraclite,  
Redde linguas eloquentes,  
Fac ferventes in te mentes  
Flamma tua divite.

Amor patris filiique,  
Par amborum et utrique  
Compar et consimilis:  
Cuncta reple, cuncta foves  
Astra regis, coelum moves,  
Permanens immobilis.

Lumen clarum, lumen carum,  
Internarum tenebrarum  
Effugas caliginem.  
Per te mundi sunt mundati;  
Tu peccatum et peccati  
Destruis rubiginem.

Veritatem notam facis,  
Et ostendis viam pacis  
Et iter iustitiae.  
Perversorum corda vitas,  
Et bonorum corda ditas  
Munere scientiae.

Te docente nil obscurum,  
Te praesente nil impurum,  
Sub tua praesentia

Gloriatur mens iucunda,  
Per te laeta, per te munda  
Gaudet conscientia.

Tu commutas elementa,  
Per te suam sacramenta  
Habent efficaciam:  
Tu nocivam vim repellis,  
Tu confutas et refellis  
Hostium nequitiam.

Quando venis, corda lenis:  
Quando subis, atrae nubis  
Effugit obscuritas.  
Sacer ignis, pectus ignis,  
Non comburis, sed a curis  
Purgas, quando visitas.

Mentes prius imperitas  
Et sopitas et oblitas  
Erudis et excitas.  
Foves linguas, formas sonum,  
Cor ad bonum facit pronum  
A te data caritas.

O iuvamen oppressorum,  
O solamen miserorum,  
Pauperum refugium,  
Da contemptum terrenorum,  
Ad amorem supernorum  
Trahe desiderium.

Pelle mala, terge sordes  
 Et discordes fac concordēs  
 Et affer praesidium.

Tu, qui quondam visitasti,  
 Docuisti, confortasti,  
 Timentes discipulos :  
 Visitare nos digneris,  
 Nos, si placet, consoleris  
 Et credentes populos.

Par maiestas personarum,  
 Par potestas est earum,  
 Et communis deitas :  
 Tu procedens a duobus,  
 Coaequalis es ambobus,  
 In nullo disparitas.

Quia tantus es et talis,  
 Quantus pater est et qualis,  
 Servorum humilitas  
 Deo patri filioque  
 Redemptori, tibi quoque  
 Laudes reddat debitas.

---

### IN FESTO S. TRINITATIS.

70.

Profitentes Unitatem  
 Veneremur Trinitatem  
 Pari reverentia:

Tres personas asserentes  
Personali differentes  
A se differentia.

Haec dicuntur relative,  
Cum sint unum substantiye,  
Non tria principia:  
Sive dicas tres vel tria,  
Simplex tamen est usia,  
Non triplex essentia.

Simplex esse, simplex posse,  
Simplex velle, simplex nosse,  
Cuncta sunt simplicia:  
Non unius quam duarum  
Sive trium personarum  
Minor efficacia.

Pater, Proles, sacrum Flamen,  
Deus unus; sed hi tamen  
Habent quaedam propria;  
Una virtus, unum lumen,  
Unus splendor, unum numen,  
Haec unum quod alia.

Patri Proles est aequalis:  
Nec hoc tollit personalis  
Amborum distinctio:  
Patri compar Filioque  
Spiritalis ab utroque  
Procedit connexio.

Non humana ratione  
Capi possunt hae personae,  
Nec harum discretio :  
Non hic ordo temporalis,  
Non hic situs , aut localis  
Rerum circumscriptio.

Nil in Deo praeter Deum :  
Nulla causa praeter eum  
Qui causat causalia :  
Effectiva vel formalis  
Causa Deus est finalis,  
Sed nunquam materia.

Digne loqui de personis  
Vim transcendit rationis,  
Excedit ingenia :  
Quid sit gigni, quid processus,  
Me nescire sum professus :  
Sed fide non dubia.

Qui sic credit, ne festinet,  
Et a via non declinet  
Insolenter regia :  
Servet fidem, firmet mores,  
Nec attendat ad errores,  
Quos damnat ecclesia.

Nos in fide gloriemur :  
Nos in una modulemur  
Fidei constantia :

Trinae laus sit Unitati,  
Sic et simplae Trinitati  
Coaeterna gloria.

---

## HYMNI DE B. VIRGINE MARIA.

71.

Quem terra, pontus, aethera,  
Colunt, adorant, praedicant,  
Trinam regentem machinam  
Clastrum Mariae baiulat.

Cui luna, sol et omnia  
Deserviunt per tempora  
Perfusa coeli gratia  
Gestant puellae viscera.

Beata mater munere,  
Cuius supernus artifex  
Mundum pugillo continens  
Ventris sub arca clausus est.

Benedicta coeli nuntio,  
Foecunda sancto spiritu,  
Desideratus gentibus  
Cuius per alvum fusus est.

O gloriosa femina,  
Excelsa supra sidera,  
Qui te creavit provide  
Lactasti sacro ubere.

Quod Eva tristis abstulit  
Tu reddis almo germine;  
Intrent ut astra flebiles  
Coeli fenestra facta es.

Tu regis alti ianua  
Et porta lucis fulgida:  
Vitam datam per virginem  
Gentes redemptae plaudite.

---

## 72.

Ave maris stella,  
Dei mater alma  
Atque semper virgo,  
Felix coeli porta.

Sumens illud Ave  
Gabrielis ore,  
Funda nos in pace,  
Mutans nomen Evae.

Solve vincla reis,  
Profer lumen caecis,  
Mala nostra pelle,  
Bona cuncta posce.

Monstra te esse matrem,  
Sumat per te precem,  
Qui pro nobis natus  
Tulit esse tuus.



Virgo singularis,  
Inter omnes mitis,  
Nos culpis solutos  
Mites fac et castos.

Vitam praesta puram,  
Iter para tutum,  
Ut videntes Iesum  
Semper collaetemur.

Sit laus Deo patri,  
Summo Christo decus  
Spiritui sancto  
Honor trinus et unus.

---

## 73.

O felicem genitricem,  
Cuius casta viscera  
Meruere continere  
Continentem omnia.

Felix venter quo clementer  
Deus formam induit,  
Felix pectus in quo tectus  
Rex virtutum latuit.

Felix alvus, quo fit salvus  
Homo fraude perditus,  
Felix sinus quo divinus  
Requievit spiritus.

Hac in domo Deus homo  
Fieri disposuit:  
Hic absconsus pius sponsus  
Novam formam induit.

Hic natura, frangens iura  
Novo stupet ordine:  
Rerum usus est exclusus  
In praesenti virgine.

O mamilla cuius stilla  
Fuit eius pabulum,  
Qui dat terrae fructum ferre,  
Pascit omne saeculum.

O Maria mater pia,  
Finis et exordium,  
Posce natum, ut optatum  
Det nobis remedium.

Quo sanati sauciati  
Sine sorde vulnerum  
Transferamur et ducamur  
In sanctorum numerum.

---

74.

O sanctissima,  
O piissima,  
Dulcis virgo Maria;

Mater amata,  
Intemerata,  
Ora, ora pro nobis.

Pias lacrymas,  
Pios gemitus  
Audi, bona, precamur.  
Ingruunt hostes,  
Suffice vires,  
Ora, ora pro nobis.

In miseriis,  
In angustiis  
Ora, virgo, pro nobis;  
Pro nobis ora  
In mortis hora,  
Ora, ora pro nobis.

---

## 75.

Nunquam serenior,  
Nunquam amoenior  
Phoebus est visus,  
Quam quando conditus  
Et novus consitus  
Est paradisus.

In hoc nil proficit,  
In hoc nil officit  
Serpentis dolus,

Nec ligni vetiti,  
Pomi nec editi  
Praefocat bolus.

Nil tabes vulnerat,  
Nil labes funerat  
Originalis;  
Hortum vivificat,  
Plantas laetificat  
Aura vitalis.

Tanquam in acie  
Stant sine macie  
Virtutum flores,  
Et sine satie  
Divinae gratiae  
Libant liquores.

Hortus in medio  
Fert sine taedio  
Auctorem vitae:  
Arboris esus est  
Salus, quae Iesus est;  
In hortum ite.

Ite, iam certa est,  
Nobis aperta est  
In hortum via!  
En paradisus est,  
Qualis non visus est,  
Virgo Maria.

---

76.

Ut axe sunt serena  
Nocturna sidera,  
Ut verna sunt amoena  
In campis lilia :

Sic, virgo, claritatis  
Es flore fulgida,  
Sic, mater, caritatis  
Es rore limpida.

---

77.

## MARIA AMORE MORIENS.

Tandem audite me,  
Sionis filiae!  
Aegram respicite,  
Dilecto dicite:  
Amore vulneror,  
Amore funeror.

Fulcite floribus  
Fessam languoribus.  
Stipate citreis  
Et malis aureis;  
Nimis edacibus  
Liqueo facibus.

Huc odoriferos,  
Huc soporiferos  
Ramos deponite;

Rogos componite,  
 Ut phoenix moriar,  
 Ex flammis oriar.

An amor dolor sit,  
 An dolor amor sit,  
 Utrumque nescio;  
 Hoc unum sentio:  
 Qui meus amor est,  
 Hic blandus dolor est.

Quid amor crucias?  
 Aufer inducias!  
 Suavis tyrannus es,  
 Momentum annus est.  
 Cur tua vulnera  
 Tam tarda funera?

Iam vitae stamina  
 Rumpas, o anima!  
 Vult ignis tendere,  
 Gestit ascendere,  
 Crispat vertiginem,  
 Quaerit originem.

---

78.

AD ANGELUM CUSTODEM.

Angelice patrone,  
 Beate Spiritus,

Custos, et tutor bone  
Mi date coelitus!  
Tuo grates amori  
Mens gestit dicere,  
Quo sine nolim mori,  
Nec ausim vivere.

O comes et antistes  
Vitae individuus,  
A me ne longe distes,  
Sis dux assiduus,  
Me protege, tuere,  
Accende, dirige;  
Instruere, docere  
Me doctor satage.

Infirmum me conforta,  
Sustenta debilem,  
In manibus me porta,  
Ne fors ad lapidem  
Pedes meos offendam,  
Sed recto tramite  
Da, facilis ascendam  
Culmen iustitiae.

Si daemon infernalis  
Struat insidias,  
Divine mi sodalis,  
Adfer suppetias;  
Hostemque procul pelle,  
Ut mecum superes,

Fac me nil unquam velle,  
Quam quod tu cuperes.

In viam duc salutis,  
Errantem moneas,  
Obstacula virtutis  
De via moveas;  
Mens sceleris sit pura,  
Ah mens ne pereat!  
Huic Deus una cura  
Infixus haereat.

A teneris fuisti  
Qui mihi socius,  
In hora mortis tristi  
Accurras ocius,  
Et animam defende  
A fraude daemonis,  
Modumque tunc ostende  
Placandi numinis.

Ah mortis in agone  
Fac vere doleam,  
Pura confessione  
Peccata deleam,  
Spe, fide, caritate,  
Et patientia,  
Munitus pietate  
Linquam praesentia.

Hanc animam, tremendo  
Cum sistar iudici,



Tibi, praeses, commendo,  
 Illi tu subveni,  
 O Angele mi custos  
 Migrantem tollito,  
 Et laetus inter iustos  
 Ad dextram ponito.

---

### DE S. IOANNE BAPTISTA.

79.

Ut queant laxis resonare fibris  
 Mira gestorum famuli tuorum,  
 Solve polluti labii reatum,  
 Sancte Ioannes.

Nuncius celso veniens olympto,  
 Te patri magnum fore nasciturum,  
 Nomen et vitae seriem gerendae  
 Ordine promit.

Ille promissi dubius superni  
 Perdidit promptae modulus loquelaе,  
 Sed reformasti genitus peremptae  
 Organa vocis.

Ventris obstruso positus cubili,  
 Senseras regem thalamo manentem,  
 Hinc parens nati meritis uterque  
 Abdita pandit.

Antra deserti teneris sub annis,  
 Civium turmas fugiens, petisti,  
 Ne levi saltem maculare vitam  
 Famine posses.

Praebuit hirtum tegimen camelus,  
 Artubus sacris strophium bidentes,  
 Cui latex haustum, sociata pastum  
 Mella locustis.

Caeteri tantum cecinere vatam  
 Corde praesago iubar adfuturum,  
 Tu quidem mundi scelus auferentem  
 Indice prodis.

Non fuit vasti spatium per orbis  
 Sanctior quisquam genitus Ioanne,  
 Qui nefas saeculi meruit lavantem  
 Tingere lymphis.

O nimis felix meritique celsi,  
 Nesciens labem nivei pudoris,  
 Praepotens martyr eremique cultor,  
 Maxime vatam.

Serta ter denis alios coronant  
 Aucta crementis, duplicata quosdam,  
 Trina centeno cumulata fructu  
 Te sacer ornant.

Nunc potens nostri meritis opimis  
 Pectoris duros lapides repelle,

Asperum planans iter, et reflexos  
Dirige calles.

Ut pius mundi sator et redemptor,  
Mentibus pulsa luvione puris,  
Rite dignetur veniens sacratos  
Ponere gressus.

---

## 80.

Praecursoris et baptistae  
Diem istum chorus iste  
Veneretur laudibus.  
Vero die iam diescat,  
Ut in nostris elucescat  
Verus dies mentibus.

Pater vetus novum natum  
Obstupescit, dum legatum  
Audit missum coelitus:  
Nam aetatem et naturam  
Consulendo genituram  
Miratur decrepitus.

Dum non paret verbo parens,  
Mox in verbo fit apparens  
Pro verbis punitio:  
Pater haerens hoc infirmat  
Affirmando quod confirmat  
Loquelae privatio.

Praecursore nondum nato  
 Nondum partu reserato  
 Reserantur mystica :  
 Nostro sole tunc exclusus  
 Verioris est perfusus  
 Solis luce typica.

Prius novit diem verum  
 Quam nostrorum sit dierum  
 Usus beneficio :  
 Hic renascens nondum natus  
 Nondum natus est renatus  
 Coelesti mysterio.

Clausa pandit ventre clausus  
 Gestu plaudens fit applausus  
 Messiae praesentiae :  
 Linguae gestus obsequuntur,  
 Dum pro lingua sic loquuntur  
 Serviunt infantiae.

Mater parit, pater credit,  
 Redeunte fide redit  
 Linguae beneficium.  
 Reserato partu matris  
 Reseratur lingua patris  
 Reserans mysterium.

Tori fructus matri dantur  
 Et iam matris excusantur  
 Sterilis opprobria :

Ortus tanti praecursoris  
Multos tenet, sed terroris  
Comes est laetitia.

Se a mundo servans mundum  
Munde vivit intra mundum  
In aetate tenera.  
Ne formentur a convictu  
Mores, loco, veste, victu,  
Mundi fugit prospera.

Quem dum replet lux superna,  
Verae lucis fit lucerna,  
Veri solis lucifer,  
Novus praeco novae legis,  
Immo novus novi regis  
Pugnaturi signifer.

Singulari prophetia  
Prophetarum monarchia  
Sublimatur omnium.  
Hi futurum, hic praesentem,  
Hi venturum, venientem  
Monstrat iste filium.

Dum baptizat Christum foris,  
Hic a Christo melioris  
Aquae tactu tingitur.  
Duos duplex lavat flumen:  
Isti nomen, illi numen  
Baptistae conceditur.

Dum baptizat, baptizatur,  
 Dumque lavat, hic lavatur  
 Vi lavantis omnia.  
 Aquae lavant et lavantur:  
 His lavandi vires dantur  
 Baptizati gratia.

O lucerna verbi dei,  
 Ad coelestis nos diei  
 Perduc luminaria.  
 Nos ad portum ex hoc fluctu,  
 Nos ad risum ex hoc luctu  
 Tua trahat gratia.

---

### DE S. EVANGELISTIS.

81.

Iocundare plebs fidelis,  
 Cuius pater est in coelis  
 Recolens Ezechielis  
 Prophetæ praeconia.  
 Est Ioannes testis ipsi  
 Scribens in Apocalypsi:  
 Vere vidi, vere scripsi  
 Vera testimonia.

Circa thronum maiestatis  
 Cum spiritibus beatis  
 Quatuor diversitatis  
 Astant animalia.

Formam primum aquilinam  
 Et secundum leoninam,  
 Sed humanam et bovinam  
 Duo gerunt alia.

Formae formant figurarum  
 Formas Evangelistarum,  
 Quorum imber doctrinarum  
 Stillat in ecclesia.  
 Hi sunt Marcus et Matthaeus,  
 Lucas et quem Zebedaeus  
 Pater misit tibi, Deus,  
 Dum laxaret retia.

Formam viri dant Matthaeo,  
 Quia scripsit sic de Deo,  
 Sicut descendit ab eo  
 Quem plasmavit homine.  
 Lucas bos est in figura,  
 Ut praemonstrat in scriptura  
 Hostiarum tangens iura  
 Legis sub velamine.

Marcus leo per desertum  
 Clamans rugit in apertum :  
 Iter fiat Deo certum,  
 Mundum cor a crimine.  
 Sed Ioannes ala bina  
 Caritatis aquilina  
 Forma fertur in divina  
 Puriori lumine.

Quatuor describunt isti  
Quadriformes actus Christi  
Et figurat, ut audisti,  
Quisque suam formulam.  
Natus homo declaratur,  
Vitulus sacrificatur,  
Leo mortem deprædatur  
Et ascendit aquila.

Ecce forma bestialis  
Quam scriptura prophetalis  
Notat, sed materialis  
Haec est impositio.  
Currunt rotis, volant alis,  
Visus, sensus spiritalis,  
Rota gressus est aequalis,  
Ala contemplatio.

Paradisus his rigatur,  
Viret, floret, foecundatur,  
His abundat, his laetatur  
Quatuor fluminibus.  
Fons et Christus, hi sunt rivi,  
Fons et altus, hi proclivi,  
Ut saporem fontis vivi  
Ministrent fidelibus.

Horum rivo debriatis,  
Sitis crescat caritatis,  
Ut de fonte Deitatis  
Satiemur plenius.



Horum trahat nos doctrina  
Vitiorum de sentina  
Sicque ducat ad divina  
Ab imo superius.

---

82.

Plausu chorus laetabundo  
Hos attollat per quos mundo,  
Sonant evangelia;  
Voce quorum salus fluxit,  
Nox praecessit et illuxit  
Sol illustrans omnia.

Curam agens sui gregis  
Pastor bonus, auctor legis  
Quatuor instituit:  
Quadri orbis ad medelam  
Formam iuris et cautelam  
Per quos scribi voluit.

Circa thema generale  
Habet quisque speciale  
Stili privilegium;  
Quos designat in propheta  
Forma pictus subdiscreta,  
Vultus animalium.

Pellens nubem nostrae molis  
Intuetur iubar solis  
Ioannes in aquila,

Supra coelos dum conscendit  
Sinu patrisprehendit  
Natum ante saecula.

Os humanum est Matthaei  
In humana forma, Dei  
Dictantis prosapiam,  
Cuius genus sic contexit,  
Quod a stirpe David exit  
Per carnis materiam.

Rictus bovis Lucae datur,  
In qua forma figuratur  
Nova Christus hostia;  
Ara crucis mansuetus  
Hic mactatur sic et vetus  
Transit observantia.

Est leonis rugientis  
Marco vultus resurgentis  
Quo claret potentia:  
Voce patris excitatus  
Surgit Christus laureatus  
Immortali gloria.

His quadrigis deportatur  
Mundo Deus, sublimatur  
Istis arca vectibus;  
Paradisi haec fluenta  
Nova fluunt sacramenta,  
Quae irrorant gentibus.

Non est domus ruitura  
Hac subnixa quadratura,  
Haec est domus domini:  
Glorietur in hac domo,  
Qua beatus vivit homo  
Deus iunctus homini.

---

### DE S. PETRO ET S. PAULO.

83.

Apostolorum passio  
Diem sacravit saeculi,  
Petri triumphum nobilem,  
Pauli coronam praeferens.

Coniunxit aequales viros  
Cruor triumphalis necis,  
Deum secutos praesulem  
Christi coronavit fides.

Primus Petrus apostolus  
Nec Paulus impar gratia,  
Electionis vas sacrae  
Petri adaequavit fidem.

Verso crucis vestigio  
Simon honorem dans Deo  
Suspensus ascendit dati  
Non immemor oraculi.

Praecinctus ut dictum est senex  
Et elevatus ab altero  
Quo nollet ivit, sed volens  
Mortem subegit asperam.

Hinc Roma celsum verticem  
Devotionis extulit,  
Fundata tali sanguine  
Et vate tanto nobilis.

Tantae per urbis ambitum  
Stipata tendunt agmina,  
Trinis celebratur viis  
Festum sacrorum martyrum.

Prodire quis mundum putet  
Concurrere plebem poli,  
Electa gentium caput  
Sedes magistri gentium.

## 84.

Aurea luce et decore roseo  
Lux lucis omne perfudisti saeculum  
Decorans coelos inclyto martyrio  
Hac sacra die, quae dat reis veniam.

Ianitor coeli, doctor orbis pariter  
Iudices saeculi, vera mundi lumina,  
Per crucem alter, ense alter triumphans  
Vitae senatum laureati possident.

Iam bone pastor Petre, clemens accipe  
 Vota precantum et peccati vincula  
 Resolve tibi potestate tradita  
 Qui cunctis coelum verbo claudis, aperis.

Doctor egregie Paule, mores instrue  
 Et mente polum nos transferre satage  
 Donec perfectum largiatur plenius  
 Evacuato quod ex parte gerimus.

Olivae binae, pietatis unicae  
 Fide devotos, spe robustos maximae,  
 Fonde repletos caritatis geminae  
 Post mortem carnis impetrare vivere.

Sit trinitati sempiterna gloria,  
 Honor, potestas atque iubilatio,  
 In unitate cui manet imperium  
 Ex tunc et modo per aeterna saecula.

## 85.

O Roma nobilis, orbis et domina,  
 Cunctarum urbium excellentissima,  
 Roseo martyrum sanguine rubea,  
 Albis et virginum liliis candida:  
 Salutem dicimus tibi per omnia,  
 Te benedicimus, salve per saecula.

Petre, tu praepotens caelorum claviger,  
 Vota precantium exaudi iugiter!

Cum bissex tribuum sederis arbiter,  
 Factus placabilis iudica leniter,  
 Teque precantibus nunc temporaliter  
 Ferto suffragia misericorditer!

O Paule, suscipe nostra precamina!  
 Cuius philosophos vicit industria:  
 Factus oeconomus in domo regia  
 Divini muneris appone fercula;  
 Ut, quae repleverit te sapientia,  
 Ipsa nos repleat tua per dogmata.

## 86.

Paulus Sion architectus  
 Est a Christo praelectus  
 Et magister gentium,  
 Vas insigne signo crucis,  
 Vas electum verae lucis  
 Praesignans mysterium.

Saulus cadit consternatus,  
 Paulus surgit illustratus,  
 Ut mundum illuminet,  
 Pestes pellat, plantet mores,  
 Fidem servet et errores  
 Gentium eliminet.

Absit mihi gloriari,  
 Inquit, nisi singulari  
 Crucis privilegio.

Se pro Christo cuncta ferre  
 Profitetur, et offerre  
 Se truci martyrio.

Iste vas electionis  
 Vires omnes rationis  
 Humanae transgreditur,  
 Super choros angelorum  
 Raptus coeli secretorum  
 Doctrinis imbuitur.

De hoc vase tam fecundo,  
 Tam electo et tam mundo  
 Tu nos, Christe, complue,  
 Nos de luto, nos de faece  
 Tua sancta purga prece,  
 Regno tuo statue.

---

## DE MARTYRIBUS.

87.

O beata beatorum  
 Martyrum sollemnia,  
 O devote recolenda  
 Victorum certamina.

Digni dignis fulgent signis  
 Et florent virtutibus,  
 Illos semper condecenter  
 Veneremur laudibus.

Fide, voto, corde toto  
Adhaeserunt domino,  
Et invicti sunt addicti  
Atroci martyrio.

Carcerati, trucidati,  
Tormentorum genera,  
Igne laesi, ferro caesi  
Pertulerunt plurima.

Dum sic torti cedunt morti  
Carnis per interitum,  
Ut electi sunt adepti  
Beatorum praemium.

Per contemptum mundanorum,  
Et per bella fortia  
Meruerunt angelorum  
Victores consortia.

Ergo facti cohaeredes,  
Christo in coelestibus  
Apud ipsum vota nostra  
Promovete precibus.

Ut post finem huius vitae  
Et post transitoria  
In perenni mereamur  
Exultare gloria.



In triumphum mors mutatur,  
Quae fuit opprobrium;  
Unde culpa plectebatur,  
Via fit ad praemium.  
O totius coeli luce  
Dignum certe proelium!  
Cogitata Christi cruce,  
Dulce fit martyrrium.

Ante mundi blandientis  
Voluptates vicerat,  
Qui nunc mali saevientis  
Iras fortis superat.  
Mundus pulcher ne placeret,  
Deus traxit pulchrior:  
Egit, mundus ne terreret,  
Deus terribilior.

Potest martyr impugnari,  
Et non potest cedere:  
Dei timor dat luctari,  
Caritas dat vincere.  
Fortis ut mors, metum mortis  
Abstulit dilectio;  
Mox et mortem victor fortis  
Habet pro ludibrio.

Dum in frusta dissecatur  
Homo qui conspicitur,

In aeternum renovatur  
 Intus qui concluditur.  
 O qui potens astitisti  
 Stanti sub carnifice,  
 Dextra sanctum qua iuvisti  
 Et nos fortes effice!

Incruenti sed peiores  
 Hostes in nos grassitant;  
 Vitae brevis nunc amores,  
 Nunc metus nos incitant.  
 Ne mortalem metuamus,  
 Tu, Deus, metuere;  
 Ne caduca diligamus  
 Da nos te diligere. Amen.

89.

## IN FESTO ENCAENIORUM.

Urbs Hirusalem beata, dicta pacis visio,  
 Quae construitur in coelis vivis ex lapidibus  
 Et angelis coornata ut sponsata comite.

Nova veniens e coelo nuptiali thalamo  
 Praeparata ut sponsata copuletur domino,  
 Plateae et muri eius ex auro purissimo.

Portae nitent margaritis adytis patentibus  
 Et virtute meritorum illuc introducitur  
 Omnis qui ob Christi nomen hic in mundo  
 premitur.

Tusionibus, pressuris expoliti lapides  
Suis coaptantur locis per manum artificis,  
Disponuntur permansuri sacris aedificiis.

Angulare fundamentum lapis Christus mis-  
sus est  
Qui pariete compage in utroque nectitur,  
Quem Sion sancta suscepit, in quo credens  
permanet.

Omnis illa Deo sacra et dilecta civitas  
Plena modulis in laude et canoro iubilo,  
Trinum Deum unicumque cum favore prae-  
dicat.

Hoc in templo, summe Deus, exoratus ad-  
veni  
Et clemente bonitate precum vota suscipe,  
Largam benedictionem hic infunde iugiter.

Hic promereantur omnes petita accipere  
Et adepta possidere cum sanctis perenniter,  
Paradisum introire, translati in requiem.

---

## DE MORTE MUNDIQUE VANITATE.

90.

Media vita in morte sumus:  
Quem quaerimus adiutorem nisi te, domine  
Qui pro peccatis nostris iuste irasceris:

Sancte Deus, sancte fortis, sancte et mise-  
ricors salvator:  
Amarae morti ne tradas nos.

---

## 91.

Iam moesta quiesce querela,  
Lacrimas suspendite matres;  
Nullus sua pignora plangat,  
Mors haec reparatio vitae est.

Quidnam sibi saxa cavata,  
Quid pulchra volunt monumenta,  
Res quod nisi creditur illis  
Non mortua, sed data somno.

Nam quod requiescere corpus  
Vacuum sine mente videmus,  
Spatium breve restat ut alti  
Repetat collegia sensus.

Venient cito saecula, cum iam  
Socius calor ossa revisat,  
Animataque sanguine vivo  
Habitacula pristina gestet.

Quae pigra cadavera pridem  
Tumulis putrefacta iacebant,  
Volucres rapientur in auras  
Animas comitata priores.

Sic semina sicca virescunt  
 Iam mortua, iamque sepulta  
 Quae reddita cespite ab imo  
 Veteres meditantur aristas.

Nunc suscipe terra fovendum  
 Gremioque hunc concipe molli:  
 Hominis tibi membra sequestro,  
 Generosa et fragmina credo.

Animae fuit haec domus olim,  
 Factoris ab ore creatae;  
 Fervens habitavit in istis  
 Sapientia principe Christo.

Tu depositum tege corpus:  
 Non immemor ille requireret  
 Sua munera fictor et auctor  
 Propriique aenigmata vultus.

Veniant modo tempora iusta  
 Quum spem Deus impleat omnem,  
 Reddas patefacta necesse est  
 Qualem tibi trado figuram.

---

 92.

Gravi me terrore pulsas vitae dies ultima;  
 Moeret cor, solvuntur renes, laesa tremunt  
                                          viscera,  
 Tuam speciem dum sibi mens depingit anxia.

Quis enim pavendum illud explicet specta-  
culum,

Quum dimenso vitae cursu carnis aegra  
nexibus

Anima luctatur solvi propinquans ad exitum.

Perit sensus, lingua riget, resolvuntur oculi,

Pectus palpitat, anhelat raucum guttur ho-  
minis,

Stupent membra, pallent ora, decor abit  
corporis.

Praesto sunt et cogitatus, verba, cursus,  
opera

Et prae oculis nolentis glomerantur omnia:

Illuc tendat, huc se vertat, coram videt  
posita.

Torquet ipsa reum sinum mordax conscientia,

Plorat, apta corrigendi defluxisse tempora,

Plena luctu caret fructu sera poenitentiae.

Falsa tunc dulcedo carnis in amarum vertitur

Quando brevem voluptatem perpes poena  
sequitur:

Iam quod magnum credebatur nil fuisse  
cernitur.

Atque mens in summae lucis gloriam ex-  
tollitur,

Aspernatur lutum carnis quo mersa provol-  
vitur,

Et ut carcerati nexu laetabunda solvitur.

Quaeso Christe rex invicte, tu succurre  
 misero,  
 Sub extrema mortis hora quum iussus abiero,  
 Nullum in me ius tyranno praebeatur impio.  
 Cadat princeps tenebrarum, cadat pars tar-  
 tarea;  
 Pastor ovem iam redemptam tunc reduc ad  
 patriam,  
 Ubi te videndi causa perfruar in saecula.

---

## 93.

Cur mundus militat sub vana gloria,  
 Cuius prosperitas est transitoria?  
 Tam cito labitur eius potentia,  
 Quam vasa figuli, quae sunt fragilia.

Plus crede literis scriptis in glacie,  
 Quam mundi fragilis vanae fallaciae!  
 Fallax in praemiis virtutis specie,  
 Quae nunquam habuit tempus fiduciae.

Die, ubi Salomon, olim tam nobilis,  
 Vel ubi Sampson est, dux invincibilis?  
 Vel pulcher Absalon, vultu mirabilis,  
 Vel dulcis Ionathas, multum amabilis?

Quo Caesar abiit, celsus imperio?  
 Vel Xerxes splendidus, totus in prandio?

~~~~~  
Dic ubi Tullius, clarus eloquio?
Vel Aristoteles, summus ingenio?

Tot clari procures, tot rerum spatia,
Tot ora praesulum, tot regna fortia,
Tot mundi principes, tanta potentia,
In ictu oculi clauduntur omnia.

Quam breve festum est haec mundi gloria!
Ut umbra hominis, sic eius gaudia,
Quae semper subtrahunt aeterna praemia,
Et ducunt hominem ad rura devia.

O esca vermium, o massa pulveris,
O ros, o vanitas, cur sic extolleris?
Ignoras penitus, utrum cras vixeris;
Benefac omnibus, quamdiu poteris!

Haec mundi gloria, quae magni penditur,
Sacris in literis flos foeni dicitur;
O leve folium, quod vento rapitur!
Sic vita hominis hac via tollitur.

Nil tuum dixeris, quod potes perdere!
Quod mundus tribuit, intendit rapere.
Superna cogita! cor sit in aethere!
Felix, qui poterit mundum contemnere!

Audi tellus, audi magni maris limbus,
 Audi omne, quod vivit sub sole,
 Huius mundi decus et gloria
 Quam sint falsa et transitoria,
 Ut testantur haec temporalia,
 Non in uno statu manentia.
 Nulli valet regalis dignitas,
 Nulli valet corporis quantitas.
 Nulli artium valet profunditas,
 Nulli magnae valent divitiae,
 Nullum salvat genus aut species,
 Nulli prodest auri congeries.
 Transierunt rerum materies,
 Ut a sole liquescit glacies.
 Ubi Plato, ubi Porphyrius;
 Ubi Tullius aut Virgilius;
 Ubi Thales, ubi Empedocles
 Aut egregius Aristoteles;
 Alexander ubi rex maximus;
 Ubi Hector Troiae fortissimus;
 Ubi David rex doctissimus;
 Ubi Salomon prudentissimus;
 Ubi Helena Parisque roseus —
 Ceciderunt in profundum ut lapides:
 Quis scit, an detur eis requies.
 Sed tu, Deus, rector fidelium,
 Fac te nobis semper propitium,
 Quum de malis fiet iudicium.

Parendum est, cedendum est,
Claudenda vitae scena;
Est iacta sors, me vocat mors,
Haec hora est postrema!
Valete res, valete spes:
Sic finit cantilena.

O magna lux, sol mundi dux!
Est concedendum fatis;
Duc lineam eclipticam:
Mihi luxisti satis!
Nox incubat; fax occidit;
Iam portum subit ratis.

Tu cithara argentea,
Vos aurei planetae,
Cum stellulis ocellulis
Nepotibus lucete!
Fatalia, lethalia
Mihi nunciant cometae.

Ter centies, ter millies
Vale immunde munde!
Instabilis et labilis
Vale, orbis rotunde;
Mendaciis, fallaciis
Lusisti me abunde.

Lucentia, fulgentia
Gemmis valete tecta,

Seu marmore, seu ebore
Supra nubes erecta!
Ad parvulum me loculum
Mors urget equis vecta.

Lucretiae, quae specie
Gypsata me cepistis,
Imagines, voragines,
Quae mentem sorbuistis,
En oculos, heu! scopulos,
Extinguit umbra tristis.

Tripudia, diludia
Et fescennini chori,
Quiescite, rauescite!
Praeco divini fori,
Mors intonat et insonat
Hunc lessum: debes mori!

Deliciae, laetitiae
Mensarum cum culina,
Cellaria, bellaria
Et coronata vina:
Vos nauseo! dum haurio
Quem scyphum mors propinat.

Facessite, putrescite
Odores vestimenti!
Rigescite, o deliciae,
Libidinum fomenta!
Deformium me vermium
Manent operimenta.

O culmina, heu! fulmina,
 Horum fugax honorum
 Tam subito dum subeo
 Aeternitatis domum.
 Ridiculi sunt tituli
 Foris et agunt momum.

Lectissimi, carissimi
 Amici et sodales!
 Heu! insolens et impudens
 Mors interturbat sales.
 Sat lusibus indulsimus:
 Extremum dico vale!

Tu denique corpus vale!
 Te, te citabit totum:
 Te conscium, te socium
 Dolorum et gaudiorum!
 Aequalis nos expectat sors
 Bonorum vel malorum.

DE EXTREMO IUDICIO.

96.

Apparebit repentina dies magna domini,
 Fur obscura velut nocte improvisos occupans.
 Brevis totus tum parebit prisci luxus saeculi,
 Totum simul cum clarebit praeterisse sae-
 culum.

Nudo vestem non dedistis, neglexistis languidum.

Peccatores dicent: Christe, quando te vel pauperem,

Te, rex magne, vel infirmum contemnentes sprevimus.

Quibus contra iudex altus: mendicanti quamdiu

Opem ferre despexistis, me sprevestis improbi.

Retro ruent tum iniusti ignes in perpetuos,
Vermis quorum non morietur, flamma nec restinguitur,

Satan atro cum ministris quo tenetur carcere,
Fletus ubi mugitusque, strident omnes dentibus.

Tunc fideles ad coelestem sustollentur patriam,

Choros inter angelorum regni petent gaudia,
Urbis summae Hierusalem introibunt gloriam
Vera lucis atque pacis in qua fulget visio.
Christum regem iam paterna claritate splendidum

Ubi celsa beatorum contemplantur agmina
Ydri fraudes ergo cave, infirmantes subleva,
Aurum temne, fuge luxus si vis astra petere,
Zona clara castitatis lumbos nunc praecingere,
In occursum magni regis fer ardentis lampades.

Dies irae, dies illa,
Solvat saeculum in favilla,
Teste David cum Sibylla.

Quantus tremor est futurus,
Quando iudex est venturus,
Cuncta stricte discussurus?

Tuba mirum spargens sonum,
Per sepulcra regionum,
Coget omnes ante thronum.

Mors stupebit et natura,
Cum resurget creatura,
Iudicanti responsura.

Liber scriptus proferetur,
In quo totum continetur,
Unde mundus iudicetur.

Iudex ergo cum sedebit,
Quidquid latet, apparebit,
Nil inultum remanebit.

Quid sum miser tunc dicturus,
Quem patronum rogaturus,
Cum vix iustus sit securus?

Rex tremendae maiestatis,
Qui salvandos salvas gratis,
Salva me, fons pietatis.

Recordare, Iesu pie,
Quod sum causa tuae viae:
Ne me perdas illa die.

Quaerens me sedisti lassus,
Redemisti crucem passus:
Tantus labor non sit cassus.

Iuste iudex ultionis,
Donum fac remissionis
Ante diem rationis.

Ingemisco tanquam reus,
Culpa rubet vultus meus:
Supplicanti parce Deus.

Qui Mariam absolvisti,
Et latronem exaudisti,
Mihi quoque spem dedisti.

Preces meae non sunt dignae,
Sed tu bonus fac benigne,
Ne perenni cremer igne.

Inter oves locum praesta,
Et ab hoedis me sequestra,
Statuens in parte dextra.

Confutatis maledictis,
Flammis acribus addictis;
Voca me cum benedictis.

Oro supplex et acclinis,
Cor contritum, quasi cinis:
Gere curam mei finis.

Lacrimosa dies illa,
Qua resurget ex favilla,
Iudicandus homo reus :
Huic ergo parce Deus !
Pie Iesu Domine,
Dona eis requiem. Amen.

98.

Digitized by Google

Hiems horrens, aestas torrens illic nunquam
saeviunt;

Flos purpurens rosarum ver agit perpetuum.
Candent lilia, rubescit crocus, sudat balsamum.

Virent prata, vernant sata, rivi mellis influunt;

Pigmentorum spirat odor, liquor et aromatum;
Pendent poma floridorum non lapsura nemorum.

Non alternat luna vices sol vel cursus siderum;

Agnus est felicis urbis lumen inocciduum,
Nox et tempus desunt ei, diem fert continuum.

Nam et sancti quique velut sol praeclarus
rutilant,

Post triumphum coronati mutue coniubilant
Et prostrati pugnas hostis iam securi numerant.

Omni labe defaecati carnis bella nesciunt,
Caro facta spiritalis et mens unum sentiunt,
Pace multa perfruentes scandalum non perferunt.

Mutabilibus exuti repetunt originem,
Et praesentem veritatis contemplantur speciem,

Hinc vitalem vivi fontis hauriunt dulcedinem.

Inde statum semper idem existendi capiunt,
 Clari, vividi, iucundi nullis patent casibus:
 Absunt morbi semper sanis, senectus iuvenibus.

Hinc perenne tenent esse, nam transire transiit;
 Inde virent, vigent, florent: corruptela corrumpit,
 Immortalitatis vigor mortis ius absorbit.

Qui scientem cuncta sciunt, quid nescire nequeunt;
 Nam et pectoris arcana penetrant alterutrum,
 Unum volunt, unum nolunt, unitas est mentium.

Licet cuiquam sit diversum pro labore meritum
 Caritas hoc facit suum quod amat in altero:
 Proprium sic singulorum fit commune omnium.

Ubi corpus, illic iure congregantur aquilae,
 Quo cum angelis et sanctae recreantur animae,
 Uno pane vivunt cives utriusque patriae.

Avidi et semper pleni quod habent desiderant,
 Non satietas fastidit, neque fames cruciat:
 Inhiantes semper edunt et edentes inhiant.

Novas semper melodias vox meloda concrepat,
 Et in iubilum prolata mulcent aures organa,
 Digna per quem sunt victores regni dant
 praeconia.

Felix coeli qui praesentem regem cernit anima
 Et sub sede spectat alta orbis volvi machinam,
 Solem, lunam et globosa cum planetis sidera.

Christe, palma bellatorum, hoc in municipium
 Introduc me post solutum militare cingulum:
 Fac consortem donativi beatorum civium.

Probes vires inexhausto laboranti proelio,
 Nec quietem post procinctum deneges emerito,
 Teque merear potiri sine fine praemio.

IUBILI HOMINUM ET ANGELORUM.

99.

Te Deum laudamus, te Dominum confitemur.
 Te aeternum Patrem omnis terra veneratur.
 Tibi omnes Angeli, tibi coeli et universae
 Potestates,
 Tibi Cherubim et Seraphim incessabili voce
 proclamant:
 Sanctus, Sanctus, Sanctus Dominus Deus
 Sabaoth,
 Pleni sunt coeli et terra maiestatis gloriae tuae.

Te gloriosus Apostolorum chorus,
Te Prophetarum laudabilis numerus,
Te Martyrum candidatus laudat exercitus.
Te per orbem terrarum sancta confitetur Ec-
clesia,
Patrem immensae maiestatis,
Venerandum tuum verum et unicum Filium,
Sanctum quoque Paraclitum Spiritum.
Tu Rex gloriae, Christe,
Tu Patris sempiternus es Filius.
Tu ad liberandum suscepturus hominem non
horruisti Virginis uterum.
Tu devicto mortis aculeo aperuisti credenti-
bus regna coelorum.
Tu ad dexteram Dei sedes in gloria Patris.
Iudex crederis esse venturus.
Te ergo quaesumus, famulis tuis subveni,
quos pretioso sanguine redemisti.
Aeterna fac cum sanctis tuis gloria mu-
nerari.
Salvum fac populum tuum, Domine, et be-
nedic hereditati tuae.
Et rege eos, et extolle illos usque in ae-
ternum.
Per singulos dies benedicimus te
Et laudamus nomen tuum in saeculum et in
saeculum saeculi.
Dignare, Domine, die isto sine peccato nos
custodire.
Miserere nostri, Domine, miserere nostri.

Fiat misericordia tua, Domine, super nos,
 quemadmodum speravimus in te.
 In te, Domine, speravi, non confundar in
 aeternum.

100.

Gloria in excelsis Deo,
 Et in terra pax, hominibus bonae voluntatis.
 Laudamus te,
 Benedicimus te,
 Adoramus te,
 Glorificamus te,
 Gratias agimus tibi propter magnam gloriam
 tuam,
 Domine Deus rex coelestis, Deus pater om-
 nipotens,
 Domine fili unigenite, Iesu Christe,
 Domine Deus, agnus Dei, filius patris:
 Qui tollis peccata mundi, miserere nobis,
 Qui tollis peccata mundi, suscipe deprecatio-
 nem nostram:
 Qui sedes ad dexteram patris, miserere nobis:
 Quoniam tu solus sanctus,
 Tu solus Dominus,
 Tu solus altissimus, Iesu Christe,
 Cum sancto spiritu in gloria Dei patris.
 Amen.

Druck von Otto Hendel in Halle.

I n h a l t.

	Seite
Hymni matutini	1—5
„ die dominica	6
„ ad Vesperas	7—11
„ in Adventu	11—14
„ in festo nativit. Dom.	14—25
„ de S. Stephano	25—28
„ de S. Ioanne Evangelista	29—31
„ de Innocentibus	32—33
„ in festo nominis Iesu	33—36
„ in festo Epiphaniae	36—39
„ sabbato ante Dom. Septuag.	39
„ de poenitentia et sanctificatione	40—47
„ tempore passionis Dom.	47—59
„ de S. Cruce	59—68
„ de compassione b. Virginis	69—71
„ Dom. Palmarum	71—72
„ de Sacra Coena	72—79
„ in festo Paschali	79—95
„ in festo Ascensionis	95—96
„ in festo Pentecostes	96—101
„ in festo S. Trinitatis	101—104
„ de b. Virg. Maria	104—110
„ Maria amore moriens	110—111
„ ad angelum custodem	111—114
„ de S. Ioanne baptista	114—119
„ de S. Evangelistis	119—124
„ de S. Petro et S. Paulo	124—128
„ de Martyribus	128—131
„ in festo Encaeniorum	131—132
„ de morte mundique vanitate	132—141
„ de extremo iudicio	141—146
„ de coeli beatitudine	146—149
„ iubili hominum et angelorum	149—151



